

5237.88/9519(10)
C12

國朝閩秀正始續集

江香官一

國朝閩秀正始續集補遺

完顏程孟梅輯

女 妙蓮保 編校

陳

書

字南樓江蘇南匯人太傅謚文端錢陳

樹康熙辛丑進士以詩文名幼孤家貧甚

隨育母家故以錢陳為姓太夫人課讀最

嚴文端既貴乃繪夜紡授經圖荷蒙

高宗純

皇帝題詩旌獎洵為閩閣中非常榮遇太

夫人又以畫名世余習聞

先祖慈稱道弗衰竝云聞有復庵吟藁惜

未得見丙申八月吾

父見亭公以南樓老人畫册見示筆精墨

妙竊幸私淑更喜得讀此詩會續集已編

成十卷吾

母程夫人深惜刪詩過多且有近日女史

寄到諸作不肯輕付高閣爰手輯補遺一

卷命余編次取以冠首藉申仰止之思耳妙蓮保護識

題自畫秋葵贈鄒太夫人鄒為侍郎一桂之母見原跋

葉出裁青玉花舒染淡金不存脂粉態自有向陽

范景妣

直隸吳橋人著有冰玉齋集。按景妣為前明大學士謚文忠景文女弟通經

史尤工繪大士像

題畫

翠嶂烟林疊復稠黃茅亭子枕溪流白雲深處疑仙境讀倦焚香且臥遊

陸瑤瑛

字秀餐浙江錢塘人舉人鳴時女侍郎湯右曾母 誥封一品太夫人著有閒窗小草。按右曾字西厓康熙戊辰進士有才名秀餐課子甚嚴性最孝集中多憶父作西泠閨咏有云舊家孝女賢臣母經訓還應媿敬姜蓋錄實也

訣別

傷哉腸斷奈何天藥餌難將痼疾痊念我有親偏遠隔痛兒無母孰深憐花殘月缺愁中景翼比枝連夢裏緣安得超超塵外想水雲解脫自悠然

嚴

浙江仁和人侍郎沆女沈長益室著有素窗遺咏。嚴工丹青尤善奕

皋園納涼

曉妝初罷拂齊紈無語臨池相對看瘦影白憐波
影淡含情脈脈倚闌干

戈

貞

江蘇元和人 旌表孝義元鑰女。按元鑰樂善好施遇歉捐資濟眾建莊置田贍族有司以聞奉旨旌表專祠編祭并入祀孝義祠女貞生有至性矢志不嫁孝事父母六十年方之嬰兒子殆無愧焉

言志

昔有北宮女閨閣終其身至老貞不字立志在養親鞠育恩罔極當思報三春侍奉依左右勿閒昏與晨居恒承意指婉愉容色真設有疾痛癢湯藥

先沾脣百年如一日萬念惟二人非敢云竭力非敢云盡倫區區寸草心藉茲稍吐申願學嬰兒子愛日殊堪珍

桂蘭玉

字韞輝江蘇南匯人諸生鮑彬室

立春日雪

青蓬升震頌年華撲面寒光春欲賒不是藍田皆種玉非關瓊樹盡開花烹茶味美傳陶宅咏絮才高憶謝家驢背垂鞭吟客少隴頭早放一枝斜

邵梅宜

小名飛飛字雪友福建閩縣人御史羅密側室。密任滿攜飛飛北歸大婦悍

妒不能容以配閨人飛飛乃作薄命詞三十首寄其母而死

薄命詞 選四

自傷薄命更誰如
蘭蕙當年竟被鋤
回首五年成底事
風流好似夢華胥

憶昔雙雙倚畫欄
名花曾對竝頭看
何期棄置如秋葉
忍把琵琶別調彈

嗔言狎語聒多般
翻道吳儂駛舌蠻
悵望夕陽芳樹外
嬌聲嘹啞語家山

蜀魄啼殘不忍聽
斷腸最是雨淋鈴
紅顏千古同

悽惻我又如斯慟
小青韻賦

榮玉潔 字澹庵江蘇常熟人諸生孝先女諸生季鳳光室著有功餘草

戊子元旦喜晴和韻

霽色朝來到檻前
喜看雲物及時妍
霜添短髻非他日
花發寒條似去年
貝葉虔看求淨業
蓬門靜掩卻塵緣
春光從此多佳勝
山麓溪灣好放船

趙秉清 字若韞江蘇常熟人知府貴斌女以貞孝賜旌著有寄生館吟藁○按貴斌

為福寧守有廉名移疾歸貧不自存若韞守貞不字為女塾師以助薪水年七十餘卒

重午日有感

痛失慈闈後飄零類轉蓬未從親地下又屈節天
中萱草徒看綠榴花不耐紅魂誰招逝水愠豈解
薰風繫縷和愁結浮觴與淚融苟延殘喘在堂上
有衰翁

徐

氏

江蘇常熟人舉人戊孫女知縣趙同融
室○按氏隨任張掖贈答簡牘多出其
手夫歿後輯其詩文
為巢寄遺藁刊行

答外郎次原韻

選一

結髮期偕隱其如離別何同心千里隔回首十年
多舊恨還深積新春又暗過感君時念我遠道寄

長歌

彭

氏

江蘇長洲人諸
生江宗揚室

老將

勳著麒麟閣君王詔獨班月明橫劍影風勁動刀
痕戰合塵千騎軍行匝萬山髭鬚今白盡未入玉
門關

韻

山

漢軍人舉
人胡捷室

咏夜合花悼金含英夫人

嫣紅取次斂幽姿正是檐牙日墮時可惜夜長難

得且重開不見費相思

袁清鳳 字月真江蘇吳縣人楊
宇室著有清傲樓吟藁

送外楚遊

雙槳甫歸千里外又將離緒攪柔腸柳絲難挽征
人權花片能隨去客航楚水烟波鄉夢杳黔山風
雨旅愁長到時先寫平安字慰我寒檠獨自傷

胡恩榮 安徽全椒人拔貢金蘭
室著有習靜軒詩集

禺山

初日上高嶺遙辨山中路筍輿取道行荒烟迷竹

樹春禽出谷鳴清音自迴互牧童來遠村驅犢途
弗誤俯視隴麥黃霽晴良足慕老嫗導我前棄輿
不復顧巉石立如門細草纔通步糝徑飄楊花偶
絆釵梁住泉流聲涓涓激宕勝瀑布俄頃登絕頂
捫蘿容小駐觸我幽賞心曠朗愜真趣招手隔江
山嵐光欲飛渡

揚州學署呈金棕亭外祖

教授生徒隔絳紗廣文官舍似山家吟窗有暇惟
調瑟冷署無人只種花墨瀋成池臨北海月光如

水誦南華閒來偶檢旗槍譜七椀頻斟顧渚茶

瘦蝶

蜜官曾伴玉腰圍回首羅浮宿願違殘月待圓今
夕夢澹金猶認昔時衣浮鬢浪蘂隨時見曲徑疎
籬著意飛莫向南園怨搖落滿林黃葉弄斜暉

牽牛花和方采芝表妹韻

墟里孤烟望處生道旁鼓子舊知名家家籬落開
花早夜夜星河照影清柔蔓橫拖秋色淺疎苞暗

怯午曦明

花過日
中卽萎

牧人抱犢頻來去憐爾芳華管

送迎

珠湖雜詩 選三

東西塔影界平蕪一角荒城似覆盂記取湖名三
十六鷺兒湖到滌洋湖

草屨撈蝦客慣能橫斜石杓倚魚簿暮歸不患還
家錯認得西城耿廟燈

靜聽書聲出草堂荷花無際柳陰涼紙窗入夜明
於晝半是珠光半月光

方采芝

安徽全椒人著
有采芝山房集

春雨

濕雲如夢黯春城細雨霏微動客情柳綠溪頭添
漱灑杏紅樓角露分明蝶飛粉重關心切鶯語簧
調入耳清一夜西窗方翦燭早聽深巷賣花聲

吳如玉

字溫卿江蘇金匱人布衣李崧室○溫卿善奕

秋怨回文

紗窗晚映月痕涼袖窄凝烟籠碧香花落燈殘鼓
夢斷鴉棲樹影對宵長

徐宜芬

字宛如浙江海鹽人著有三會堂稿

落花

選一

暈碧裁紅認舊痕黯然無樹不銷魂依依夢蝶和
春戀怯怯流鶯傍雨昏小院漫勞重秉燭空園何
忍更開樽侍兒頻向堦前掃收拾餘香悄掩門

有懷閨友丁素娟

鶯花依舊小樓頭扇影衣香尙逗留記得鏡中眉
子樣水晶簾外月如鉤

春日新晴

嫩晴天氣雨初收簾額無風挂玉鉤一片輕陰殘

正始續集 補遺 照裏數聲啼鳥破春愁

馬淑嬉

號墨華子浙江會稽人維陞女陶復室

感懷

朝來無力倦臨妝睡起遲遲日影長忽報春光今已盡含愁強步小迴廊

趙性成

字南廬江蘇丹徒人教諭錢茗柯室知縣為光母

送子赴選

平安音信須頻寄回首離亭意轉哀若念倚閭人望久除書落枕即歸來

晚涼

綠槐陰裏晝初長閒捲湘簾趁晚涼夕照啣山清暑氣暮霞棲樹爛晴光蘭窗待月搖葵扇荷榭迎風倚竹牀呼婢階前收茉莉低鬟簪處一窩香

茅淑琳

江蘇高郵人拔貢俊女諸生孫纘祖室淑琳性至孝曾割臂肉愈父母疾

偶感

飄零難整舊時妝數十年來幾斷腸胡蝶睡餘清夢杳杜鵑啼徹曉風涼珠沉海底空流水雲障山頭易夕陽太息光陰隨荏苒蕭蕭短髻已如霜

茅淑珍

淑琳妹。姊淑筠妹。淑梅淑蓮俱能詩。

寄外

臥起敲冰歲已闌，破裙難敵朔風寒。君前不獨兒
衣薄，知否中厨缺蚤餐。

葉晚芳

江蘇長洲人著。有寒砧小草。

白秋海棠

弱態盈盈倚短牆，一身纖縞異羣芳。素娥含淚神
偏淡，青女銷魂氣乍涼。玉質玲瓏凝曉露，粉痕寂
寞破秋光。綠衣咏罷人相近，誰與嘉名號斷腸。

吳筠仙

浙江石門人。

夜坐

淡月隱疎竹，小庭花影深。美人隔天末，貽我朱絃
琴。一彈還再鼓，斯世誰知音。鍾期既云杳，嵇康亦
難尋。中夜坐長嘆，千古白雲心。

題李龍眠五百羅漢圖

君不見吳道子，松牕潑墨雲烟浮。又不見顧虎頭，
傳神妙手誰能儔。龍眠居士擅絕技，揮毫寫出天
人流。鷲溪一疋好東絹，窮形盡相筆力遒。或駕黃

花驕或騎青毛牛或袒右臂坐修竹或航一葦凌
 滄洲或為降龍或伏虎或驂文豹從青蚪或搏象
 罔擒水怪或持衣鉢倚松楸或扶筇杖登高邱或
 撐兩掌舒雙眸五百尊者多變態紛紛俱向圖中
 收昔聞李君作此畫太乙下瞰神鬼愁披圖諦視
 駭心目虛堂冥晦風颼颼正法眼藏有精鑑寶藏
 玉匣逾天球神物自邀真宰護直教永遠傳千秋
 杏花

碎錦坊前點綴新淡脂膩粉鬪芳辰日烘藍水干

株豔烟繞銅陵一望勻側帽狂簪金馬客輕衫嬌
 映玉樓人歌殘小宋風流句村店何妨買醉頻

漢高帝

泗上真龍起還鄉歌大風旣然封項伯何故殺丁
 公

陶彭澤

掛冠歸去閉衡門三徑蕭疎松菊存識得先生胸
 次澗人間到處是桃源

申元善 字清修江蘇上海
 人諸生桂能室

楊花

似雪如花一色迷隨風飄蕩各東西只愁著地無歸處玉糝街頭踏作泥

盧希郝

字秋厓湖北江夏人知縣姜會照室

和外七十自壽元韻

雨版衡門映蓼蕭幽人雅不厭清寥寒花帶露香猶蘊暮雀將雛語亦嬌但許擘箋還命酒何須擊鼓更吹簫江干車馬誰停駐鄉里從知遠市囂瑤篇曾和杖鄉時週甲還愁子未宜七秩今開欣

更健十年曰幼慶非遲先生久富千秋業稚子能

歌百歲詞卻愧老妻惟汲爨枯毫那得五雲隨

吳承德

字淑修江蘇如皋人通判顧金聲室

九日小園無菊悵然偶成

空酌重陽酒偏難對菊芳徑荒惟落葉籬蔓任凝霜對月沈新影臨風憶舊妝東鄰如可探懶步出

西堂

周貞媛

字瑤石江蘇泰州人施千里室著有開關集○妹淑媛詩見前集

哭童幽蘭女史

春風秋雨幾神傷寂寞空閨憶曉妝方信有才天
亦妒可憐無語骨猶香玉簫聲咽三更月銀燭光
搖五夜霜碧落黃泉皆是恨何須鶴唳斷人腸

申玉環 湖南祁陽人

憶梅

綠萼曾經手自栽牆東應有數枝開沈沈院宇月
華冷香細忽從風裏來

成叙蘭

字素庵江蘇寶應人御史觀宣女兄諸生劉履儁室著有素庵詩鈔焚餘集

臨終辭母

不孝何可數拋卻霜幃苦三歲遭父喪劬勞將我
撫今生未報恩此恨留千古

別外

弱質夙多病醫藥已不貲修短各有命君亦毋深
悲傳家在忠厚善撫雙雙兒

示兒

嗟爾弟與兄失恃年猶少自立在修身當遵嚴父
教勤讀聖賢書作忠本乎孝

秋夜和外

一碧天如水中庭月影涼琅玕偏近榻茉莉欲縫
囊蟲語催秋急砧聲入夜長商威襲衣袂珍重薄
綿裝

平山堂懷古

蜀岡高踞海西頭勝迹登臨似舊遊楊柳陰中風
不斷芰荷香裏雨初收六朝臺榭雲烟渺一代文
章江漢流回向萬松亭上望萋萋夕照古揚州

杜芳英

字菊隱江蘇新陽人殷崑蘭室

寄梅溪兄

湖光山色碧於油二月春風好放舟不是詞人金
粉筆六橋烟景倩誰收

徐淑瑩

河南洛陽人

柬外

憑几修書寄便鴻詞箋恨短意無窮離懷正值深
秋月紅葉青燈烟雨中

王蘭蓀

字慧珠江蘇華亭人諸生程德班室
○慧珠工製貼絨花卉為時所稱

題陳花南畫蘭

誰向晴牕染素紗枝枝葉葉點春華疑將顧愷傳

神筆卻寫徐熙沒骨花空谷多情香氣潤閒階無
語露痕斜白陽家法參三昧不愧江南老畫家

顧金望

字月清江蘇如皋人諸生劉士玢室

擬古

沈江有孝女東海有孝婦女子識孝字庶幾生不
負嗟我廿年前辭親操井日返哺願未酬風木恨
抱久舅姑在高堂介壽缺春酒子職與婦職盡之
兩何有

吾聞昔孟母訓子曾三遷童時擇取處長乃成大

賢譬彼合抱木養自萌蘖年顧我承桃子每為涕
泗漣夫君有手澤列架多簡編九熊以佐讀庶乎
兒勉旃

江秀瓊

字瑤峯安徽歙縣人巡撫蘭女張壽泰室著有椒花館集

新月

瞥見如鈎月纖痕映碧天印波魚怯影挂樹鳥驚
弦遠綴疎星外斜臨落日邊清宵欣對此佳興自
悠然

夏日

綠牕遙聽鳥鈎轉香篆金鑪細細浮竹影婆娑聲
憂玉薰風吹到讀書樓

趙雲卿 江蘇銅山人著有繡餘小
咏。妹書卿瑞卿俱工詩

閨情回文

晴窗透影日橫斜寂寂春庭滿落花清夢覺殘香
篆冷輕烟籠柳曉啼鴉
風搖桂影飄香亂久坐閒堦玉露零鴻度遠天秋
夜靜半牕明月冷空庭

冰玉 字清如
滿洲人

方鏡

雲葉裁量片片方水波晴漾日生芒兩邊透照成
三影四角迴中稱五光宛似寫形歸畫幃不妨偷
樣學青塘劇憐空豔無人會輸與璇圖織錦張

荆六娘 江蘇丹陽人府
尹虞鳴球室

永訣詩

夜深風驟響庭槐花澀殘燈半未開寂寂蘭房人
去後空餘月色為君來

姚鳳儀 安徽桐城人諸生方于
宜室著有蕙綢閣集

上元前二日祐兒讀書竹笑軒作此勉之

元正淑氣喜晴天好鳥關關韻似絃柳意知春條
放嫩梅花趁暖色增妍雞臆燈火休虛夜鵬路風
雲定有年莫道一貧無長物青箱舊業守家傳

郭 斫 字依雲江蘇江都人

瓶中碧桃

絳霞掩映畫簾深謝絕游蜂浪蝶尋不向東風怨
零落幽窗紅粉伴閒吟

陳瑞馨 字蘭露四川成都人揚雲溪側室

汾水

山勢爭雄險汾光動杳冥雲連三壘白霧入半城
青老樹枕流臥漁舟蕩水腥片帆任去住寂寞短
長亭

吳 憲 字佩芳江蘇甘泉人

立春風雨寄外

黯淡逢佳節輕寒透綠紗風將舒柳葉雨欲洗梅
花綵勝翻新樣青燈話舊家雷江春共酌曾否念
天涯

客中書懷次外韻

愁心相對一燈燃四處砧聲到耳邊待月蕉窗聊
散步拋書竹榻畧敲眠歸期曾約黃花候旅夢先
驚白鴈天楚水吳山空悵望幾時纔放廣陵船

沈瑛 字彩琳江蘇華亭人著有鍼餘草

新篁

新篁一帶綠成陰留得鞦韆好鳥音擬闢幽齋坐
相對與君永結歲寒心

春日

花事闌珊草色芳一春鶯燕為誰忙晚來閒倚闌
干立已逗簾櫳新月光

戴若瑛 字謙雪浙江錢塘人知府 鷗亭女著有凝香書屋草

家君為友人寫狸奴戲蝶圖神致生動余性
愛貓而未得佳者慨然有作即題於上

坐有寒氈食有魚吳鹽聘取浴蠶初也知花底閒
窺蝶須向牀頭謹護書長者 鼠名形踪應早匿女奴

名字不教虛從看寫出鬢影繞竹穿莎任所如

王氏 江蘇吳縣人諸生志鏞女府 經歷高敬室巡道翔麟母

長女箴于歸詩以勗之

中饋蘋蘩汝未知
壻家井臼學操持
承歡莫失尊
嫿意不比嬌癡膝下時

應知母是未亡人
夜雨秋燈耐苦辛
檢點妝奩無
一物荆釵裙布莫辭貧

陳鸞徵

字佛禽江蘇長洲人縣丞高願室

題董綺琴女史繡墨軒遺藁

頌椒咏絮負仙才
吟徧香奩付玉臺
修到芙蓉仍
薄命雙成應悔謫塵來

蘇若蕙

字香谷江蘇常熟人著有破愁吟○香谷性至孝隨母紡績度日

冬日卽事

白日掩虛際
衆芳歎搖落
空林鎖暝煙
峭風襲帷
幕
小雨隨風來
寒氣助蕭索
飛鳥亂投巢
鍛羽爭
依托獨有青松枝
翹然立元鶴

奚

音

字伯琴江蘇太倉人高聲振室著有夢香詩草○伯琴博涉經史平居喜談風節慷慨若古烈士夫歿引刃自裁脰已殊家人環救得蘇後仍以哀慟死

古意

寒蛩鳴我壁
涼月照我牀
人生苦離別
天涯各一

方青燈結雙穗風葉走虛廊不為游子感但看地上霜

雜詩

長吟寄流水流水向東流短歌繫雁翼雁翼返南洲青青河畔草成茵不絆行車只報春昨夜小窗梅散雪暗香難送隴頭人

桂子入戶秋風香迴廊小立聽啼螿美人去今天一方遺我機錦毋相忘雙星熒熒隔河梁天青月白愁中腸波寒木落思故鄉遠砧悠悠更漏長

姚靜芬

安徽歙縣人翟桓原室著有碧窗遺集

早秋病起

病起新秋候幽牕繡懶拈拂奩開藥裏就几理書籤骨瘦涼先透衣單晚漸添侍兒真解事深下北窗簾

沈淑廉

江蘇高郵人諸生吳洵室著有婉婉吟

題江村弟梅花書屋圖

當年坐臥梅花屋疎影橫斜滿簡牘今日披對梅花幅生綃粉墨浮清馥梅花畫裏宛當年裁詩記

得巡檐讀雪幹霜柯繞砌栽中有書聲出林麓窗
前依舊詠花人薰香摘豔三餘足覽圖動我故園
心筆底春風暗愁觸何時重結歲寒盟澹月黃昏
倚松竹年來老樹無醜枝莫負瑯嬛三萬軸

汪

字順哉浙江錢塘人繩祖女○順哉為
女史程慰良女與妹妯同承慈訓俱以

詩名程詩

見前集

折花寄外

手折花枝翠黛顰殷勤欲寄遠征人明知到日應
顛顛卽此梅花是妾身

趙

鳳

字凌霄江蘇丹徒人知縣陳
國華室著有巢雲吟館詩草

惠陵

赫赫漢宗親恢宏帝業新江山開勝地將相得賢
臣薛古封陵碣雲深護石麟
盛朝崇正統歲遠尙明禋

草堂寺

墟落帶星堂秋花匝地黃晴烟迷石郭春水漲林
塘詩骨傷埋塚苔碑看傍牆文章千古在萬丈仰
光芒

聞雁

疎雨過汀洲清霜滿客舟一聲關塞雁喚起洞庭
秋伏枕難成夢懷人正倚樓鄉書如可達轉益別
離愁

食蟹

廿年未足持螯興江浦空餘晚菊香最好脫鮮來
此味不宜辜負是秋光雙戈嫩玉瑩虛白半殼凝
脂凸硬黃風味由來江左美墨魚未許擅嘉陽
嘉定
產墨魚味亦鮮美

佳日逢秋共舉觴金相玉質喜新嘗監州無復坡
仙恨盜酒應嗤畢卓狂葦籩一燈搖石岸稻花千
里憶江鄉南徐生小西川住宿願何能稱意償

贈湘雲姪女

綽約風姿舉世無更憐柔婉稱清腴聞將鬪草擅
雙袖聽說探花換五銖天付金鍼緘荳蔻誰教彩
筆架珊瑚輕紅微注櫻桃口多恐吹簫欲染朱

過嚴君平墓

綠波渡口路迢迢見說荒墳隔小橋星土有靈歸

夜月錦江無主聽春潮蒼松雲鎖秋容老殘碣霜
封蘚未凋多少升沉難決事百錢能否卜今朝

送紉蘭妹還都即和留別原韻

驪駒三疊唱歌難雲棧鶻聲破曉寒楊柳短長縈
古道芙蓉開謝倚闌干妝成鳳鏡知何處夢逐鸞
車兀未安小樣紅箋書錦字吟餘遠眺路漫漫

放蛛絲蝶

逼入蛛絲解脫難憐他楚楚粉衣單從今好過南
園去屋角林梢仔細看

尋香偶到粉牆東誤趁漫天柳絮風纏擾乍離應
夢醒繁華常在網羅中

孟文輝

字浩軒江蘇長洲人諸生王
慕蘭室著有晚香樓小草

冬青

孤高不比早梅香松柏偏同飽雪霜一任凡花爭
燦爛年年古翠色蒼蒼

歐陽玉英

字廉芳湖南瀏陽
人著有繡餘吟草

和外遊菱蘆庵

路轉山環水碧蒼菱蘆勝覽在餘杭說來風景人

先靜寫到丹青筆也涼樓閣落成新節度庵久傾 圯芸臺

阮中丞乃 重葺焉詩篇傳誦舊歐陽先大父清簡公攝浙 江臬篆時有遊菱蘆

庵詩他年欲棹扁舟去好趁清秋咏樂康

蔣佩玉字湘紋江蘇長洲人諸生 王洲室著有湘紋吟草

秋夜

銀魄動秋光淡淡雲輕護夜靜獨憑欄徘徊時緩
步清露濕羅衣商飈襲遠樹河漢碧迢迢微茫星
斗布叢桂影婆娑廣寒疑有路

籬菊

秋光何淡蕩黃菊滿籬東瘦影安排靜幽香點綴
工霜華延冷色晚節傲清風獨有陶彭澤吟詩逸

興同

顧淑齡字希昭江蘇如皋人諸生朱 章令室著有閨中倡和集

書熊澹仙女史詩冊後

無情天亦妬蛾眉博得才名不療飢莫怪紅閨諸

女伴只工刺繡不工詩

顏佩芳字芳在浙江桐鄉人諸 生周代室著有偶葉草

送春

豈是春歸候無端賦別離綠酣鶯語澁紅瘦蝶魂
癡淡泊無羣好幽閒與古期欠伸方欲起風雨到
窗時

葉

舫

江蘇吳縣人
周孔嘉室

落葉吟

有引

夫寒山一絕百紀維新江令片言千秋永
賞僻居山澤花木為羣運錯彩於霜華文
標天趣映高山之皎月舞韻風吟落花固
是愁端墜葉豈非怨質當茲搖落想榮盛

之難期覩此飄零益淒其之莫已有懷難
寫聊付清吟

年華易逐秋光老秋聲漸促秋容槁飄黃點絳趁
流波積徑穿巖依悴草此聲不受王侯憐此聲不
向華筵攪錦帳香濃總不期蕭蕭戚戚閑庭掃英
雄帝子尙哀情羈懷旅思何須道最有幽衷不忍
聞驚魂咽夢心如搗憶年十六伴秋歸巒紆峯遶
碧成幃村羅金桂香籠谷院列芳蘭馨染衣景好
惜從人事改境荒誰惜落英微青春每怯涼颺起

暮景何堪物候非所慰
森森松柏林歲寒梅竹有
同心凝霜載雪明姿態
攬勝凭高仔細吟

慕德炎

江蘇上海人賈乾照室著有焚餘稿

春日閒臆

錦樣春光麗庭堦景色
清草含宵雨潤花倚曉風
輕燕羽穿簾影鶯吭出
谷聲晝長人意嬾信筆寫
閒情

曾淨蓮

湖南新化人諸生趙德謹室

登城子山

萬山山上白雲端雨霽
登臨作大觀舉首乍驚紅
日近凝眸靜看翠峰攢
飄然身寄烟霞遠渺爾神
遊宇宙寬海島蓬瀛何處
覓好居此地躡飛鸞

曹我聞

江蘇江陰人諸生張譽星室

雪霽

凍雀喧喧報曉晴朝曦
紅影上窗明深林風定梅
花瘦老屋寒添紙帳清
吟客未歸驢背遠旅人初
發馬蹄輕竭來小閣閑
憑眺依舊青山繞故城

張采芾

江蘇丹徒人諸生高元室采芾為女史曹我聞女與姊采芾妹成珠均承母

教工詩采菑
詩見前集

和兄閒居原韻

負郭須營二頃田
塵氛不到足怡然
春塘草暖聽泉坐
小院花深待月眠
漫把酒杯澆俗慮
還將書卷結清緣
世閒誰似西陵客
一臥烟霞四十年

與諸姊艾蒨亭翫月

多時抱病臥深閨
且喜今宵手共攜
芳徑草衰蟲語切
碧天雲淨雁行齊
吟成新句茶初熟
話到殘更月漸低
清露濕衣渾不覺
怪他花影過窗西

趙貴娥

字夢月江蘇常熟人諸生曹汝鰲室著有茗香詩草

題沙溪包氏女遺照

戴氏聘室未嫁而歿以遺照歸于戴

一幅輕綃萬種情
幽閒省識是生平
漫將窈窕金閨影
聊報殷勤玉杵盟
翠被香消傷倩藍
橋路斷失雲英
返魂無術空嗚咽
何處重尋雜佩聲

王 氏

江蘇昭文人項某室
○氏早寡以苦節稱

感懷

撫孤飲泣守蓬門
三十餘年一息存
千古傷心侵骨恨
白頭扶杖哭兒孫

袁氏

江蘇常熟人諸生張廷訓室以節賜旌

梅花

占斲東皇九十春幽蘭比格遜清真風來肯使香
輕逗正氣天然不媚人

歸氏

江蘇常熟人諸生張培室○按培卽廷訓子氏事孀姑甚孝尤善書法

夜夢先姑若自遠歸

忽覺尊嫜自遠還膝前依舊惜癡頑漏聲易散天
涯魄月影難留夢裡顏掩映一燈光黯黯朦朧雙
眼淚潛潛不堪欹枕重追憶勵節生平事事艱

錢

淑

字冰如江蘇長洲人侍郎榮女王利謙聘室。按榮字湘船乾隆己亥辛丑三元及第有才名冰如幼字王生未婚而夭稟命于父歸夫家守志以貞節稱

自題畫梅

愁對橫窗玉一枝墨雲和淚寫清姿寒心久抱冰
霜慣笛怨風摧總不知

周繡娟

字晚仙浙江山陰人

秋夜偶成

焚香默坐捲簾櫳淡淡銀河漸轉東丹桂飄香籠
夜月碧桐帶露殞秋風眼高似覺星辰動心靜方

知天地空漏盡更殘羣籟息忽聞啼雁過雲中

吳

蕙

字靜香江蘇吳縣人學正蔣錫琳室著有靜香樓詩草。靜香善文能畫

遊慧山二泉亭至寄暢園

九龍何蜿蜒靈液滿山腹渟泓匯小池曲流穿林麓
差差散輕風澄波動微縠我來二泉亭斜陽隔蘿屋
桂枝生晚香潺湲響寒瀑境靜心亦清幽懷共涵蓄
探手試泉流泠泠不盈掬

閒雲不歸山好鳥得幽意園林送清香松竹引秋思
榻來憩小亭綠池靜生媚何人紀遊詩刻徧琅玕

玕字颯然起涼風襟裾撲濃翠循堤更縱探泉石
妙位置出門有餘戀回首望初地

雪夜用東坡聚星堂韻寄弟吳門

凍雲擱樹疑浮葉寒壓空江天欲雪閒憑高閣望
迢遙白浪千盤帆影絕晚鴉風急羣相呼喧落林梢
枝踏折三點兩點絮初飄到地飛飛影旋滅回看
遠勢玉龍蟠卻訝天公亂鞭掣此夕燈寒火不明
窗前硯水微生纈欲呵凍筆寄幽情重撥薰爐灑
香屑卻憶梅花伴綺窗鄉關往事成飄瞥翦燭

正始集 補遺 三
聯吟共一時低徊舊夢何堪說天涯輾轉繫離愁
冷透重帷衾似鐵

由京口出大江望金山用東坡遊金山寺韻
一條水自岷山來駭絕奔濤直趨海片帆我出潤
州城容與中流偏自在亭亭浮玉卓陂陀十月天
寒澄素波烟影半江漁唱杳雪花兩岸蘆叢多峽
流轉處飛輕楫一壖臨空標落日隱隱山坡僧寺
中新霜乍染楓林赤回看澹月光生魄極浦低垂
雲脚黑舉篙入港遠峯明洲鷺沙鷗靜不驚此際

林嵐如舊識此時襟抱空無物天然圖畫好江山
寫人毫端興亦頑晚霞明滅看無已何限詩情落
江水

戊寅七月十五夜作

漏下重門靜挑燈意黯然愁人知夜永病葉感秋
先聞思蟲如訴鄉書雁未傳不堪今夜月兩地望

團圓

和唐陶山明府重修桃花仙館詩原韻 選一

荒涼遺址幾成塵歷劫重看祠宇新黃絹才名憐

異代青衫歌哭弔詩人寒雲碧草悲前事仙館桃花想後身長吏風流題碣在瓣香留得昔年春

游錢氏息園登妙嚴臺

韶春烟景正暄和裙屐人來勝地過三月鶯花新翰墨六朝金粉舊山河瓊裾玉佩空陳迹水榭風軒倚短歌試上崇臺橫落日蒼茫晚景感懷多

寒山寺懷古

問訊南朝舊寺禪荒臺雲鎖夕陽邊殘碑土蝕才人筆寺有唐六如化鐘疏石刻古鼎香消老佛烟繞樹烏啼涼

月夜隔溪漁火早霜天鐘聲斷續隨風遠多少羈愁喚不眠

許烈婦哀詞

婦趙氏華亭許祖恒室夫亡無子自經以殉

玉樓仙客赴修文痛絕深閨鏡忽分真個鴛鴦會雙死千秋重義孰如君

清明

東風嫋嫋峭寒天滯迹江城又一年惆悵踏青好時節野棠梨外雨如烟

李德純

字晚耘號樹蘭江南崑山人署正李存厚女訓導蔣如沂室著有蘭韻樓草

晚耘為吳靜香女史之媳工篆法畫蘭

瓶中白菊

三徑菊已荒寒信屆初九落葉堆滿堦朔風驚入
牖牆根數枝花冷豔獨耐久雪彩與冰容人閒真
稀有愧非地仙家女華堪作友經霜色逾妍侵曉
采盈手汲水注膽瓶雅玩留座右玉蕊開偏遲清
香鼻觀受澹然太古姿相對絕塵垢我思陶泉明
高節世無偶

家園探梅同序卿弟作

園為諸城劉文清公題額名亦園

春水半灣曲寒梅繞屋斜東風一夜信老幹幾枝
花涼月滿平浦晴雲籠淺沙憑誰攀折寄有妹隔

天涯

妹適金陵秦氏

秋日侍家慈游西湖

雙堤形勝愜清游茗椀詩筒共一舟山脊雲微峰
勢出湖心風緊櫓枝柔漫教歸思隨秋雁且把閒
情寄野鷗欣奉板輿來小憩桂花香裏好停留

吉貝花

圓鈴箇箇綴疎條白比蘆花雪未消百畝秋收同

穀穗一年生計怕風潮經繙梵國方言譯圖繪揚
州職貢饒休例江南閒草木回春力不讓豐貂

和古揚女史淨慈寺題壁韻

南屏古寺碧雲遮墨蹟淋漓筆勢斜吟到佳人題
壁句夢中蕉鹿酒中蛇

秋日雜興

八月野田稻熟無江南鄉味是蓴鱸老漁吹火收
篷早處處炊烟起岸蒲

紅蓼白蘋秋已殘釣師江上好投竿夜深風捲蘆

花起絮雪濛濛釀薄寒

吳芳珍

字韻卿號清磨浙江錢唐人協辦大學
士墩女副指揮李增厚室著有清磨閣

吟草韻

卿工畫

和外不寐原韻卻寄

展轉難安枕挑燈四韻成終宵無一夢兩地有同
情別岫雲何處孤山月正明聞雞應起舞努力向
前程

梅影

是花是影不分明枝北枝南面面呈雲外移來風

外亂雪中描向月中清
紅紅白白渾忘此色色空
空總付卿幾度背燈難折取
小窗滿幅自縱橫

前跋梅夢

紙帳低垂漏點沉
柴扉靜掩睡魔深
翠禽乍向羅浮引
玉蝶休從巫峽尋
半榻春風迷曲徑
一庭明月浣涼襟
人生都是邯鄲客
難遣游仙覺後心

為畹耘姪女畫蘭並系以詩

半池花雨慣修書
越樣清才我不如
玉筯規模追

鐵線莫教汗簡誤
蟲魚

姪女能篆書
兼工寫蘭

珊珊楚佩織秋裳
澧芷湘蘅媚國香
宿草紅心根可托
并刀浣處雪痕涼

大家模範正堪師

謂尊姑靜香夫人

豔說承歡問字時
自

笑塗鴉殊草草
何須珍重我題詩

輓長嫂吳碧筠夫人

緣盡鸞簫了宿因
銘幽腸斷瘞琴人
淒涼忍覩衣如雪
難慰高堂白髮親

觸境心傷我獨深
誦詩久廢蓼莪吟
年年此日思親淚
又向泉臺灑不禁

先慈去世與嫂同日同時

俞廷元

字素蘭江蘇泰州人舉人俞增之女兄

送蘅皋讓林兩弟遊京師

阿姊閨中數去程翩翩兄弟又長征燕臺此去三千里珍重聞雞破曉行

王清蘭

字若蕙山東高密人諸生任大鯤室著有陋室吟草

曉行

太白昇東月墜西車中顛倒夢還迷燈光穿樹忽驚雀輪響沉沙知近溪遶郭犬多方亂吠遠村雞老又爭啼樓頭姊妹應延佇蹇緩能無恨馬蹄

瞿繼鍾

字靜拙號素芬江蘇常熟人王愚軒室著有藕花村稿

新柳

東風翦翦雨冥冥隄上柔條又放青春色乍看臨廣陌離愁早已到長亭灞橋淺綠搓猶細隋苑輕黃困未醒最是絲絲搖曳處舞腰依舊逞娉婷

王慧增

字瓊仙號娥溪愚軒女著有紉餘詩鈔○瓊仙與妹仲和幼承母教俱工吟詠

寄懷朱閑靜女史

別來夜夜夢難成月照西樓分外明一日分襟猶有恨廿年聚首豈無情花前空負青春好鏡裏應

知白髮生料得相思同悵望南塘煙鎖莫雲橫

王淑增 字仲和號玉潤慧增妹著有焚餘草

秋望

乍見墟煙起遙看樹影遮新霜催木葉皓月失蘆

花遠清明漁火孤城送暮笳登樓憑檻望一雁帶

雲斜

盧英 字玉華廣東博羅人

易州題壁

荆卿慷慨士為國身能忘繞柱雖不中一刺驚秦

王非必劍法疏祖龍原難傷不見博浪椎空使嚴

逋亡

姚素珪 字靜儀江蘇常熟人諸生王宮桂室著有伴雲小詠

憶家

憑闌漫擬散閑愁捲起湘簾又下鉤怕見天涯雙

燕子覓巢飛向舊紅樓

許蘅 字若洲江蘇吳縣人諸生鑑女著有繡餘草○若洲工琴又善填詞

題伏生授經圖

紅顏白髮課燈前口授琅琅廿九篇博士竟逃坑

後劫祖龍難蒸腹中編經畱一脉憑嬌女天爲斯
文假大年試問從來巾幗事儒林傳有幾人傳

秋煙

斜日澹荒村一抹橫如帶幾陣斷鴻聲更在蒼茫
外

陳淑

字瘦吟江蘇常熟人學正龐大莖室

病起

一庭香氣曉濛濛知是薔薇弄好風病起小窗開
不得只教花影上簾櫳

楊氏

江蘇武進人知州奎女孝義湯荀業室副將貽汾母○按荀業字楚儒乾隆間

侍宦台灣隨父殉難得旨旌表氏時寄寓福州奉姑歸里訓子成名以節孝著貽汾字雨生秉慈訓工詩善畫有儒將風會繪吟釵圖以誌慕

斷釵吟 有序

吾幼從王父于滇十四歲王父偶以玉釵
賜之南北遷徙歷今三十九年雙髻蕭然
惟釵無恙昨夜就枕轉側不寧乃憂然以
斷遂不禁其感于中而復形諸聲也時嘉
慶甲子長至前二日

美便無瑕斷亦休曉奩宵枕夢悠悠于今別有思
 親淚記與釵時新上頭
 鏡非臺已悟空門贈嫁釵簪半不存三十九年千
 萬路髻絲絲斷玉還溫

楊夢花

江蘇武進人

和女史陳箋落梅作

空閨何忍問花殘為和新聲獨倚欄香夢可能留
 玉笛芳魂早已返瑤壇一簾疎雨回春信數點輕
 烟籠曉寒索笑也知成往事祇餘瘦影月中看

唐其玉

字菊圃江蘇崑山人諸生國緒女諸生方蔚室以節賜旌著有夢留吟草

雪廬小姑別後卻寄

白雪蒼狗須臾作日去月來殊錯愕四十年中憂
 患多浮生歷盡風波惡風波叵測夢魂驚熒熒子
 立愧人生陋巷蕭條斷聞見秋來但聽秋蟲聲秋
 蟲聲中時物換舊事縈懷正扼腕衡門忽報故人
 來握手悲歡情歷亂歷亂衷腸語故遲渾似臨風
 理繭絲訊我近況作何狀欲言不言難致辭致辭
 恐動故人哭強作笑顏敘寒燠意氣如君世所稀

正女續集 補遺 三
關心貧病垂青目慰問殷勤話未終忽驚風雨來
長空倉皇握別情難盡彼此還疑是夢中人生聚
散何突兀來也片時去倉猝君歸贈我短長吟挑
燈讀罷神飛越

對月懷雪廬

木落秋容老庭空夜色明燈殘羣籟寂月冷一心
清未踐黃花約難忘白首情遙知吟望久詩思定
縱橫

不讀文通賦何知別緒盈秋風貧士感明月故人

情閱世分今昔論交一死生低徊無限意淒絕夜
鴻聲

不寐有感

蕭齋寂寂不勝情百種牢愁觸處生人靜哀蟬鳴
敗葉夜深飢鼠撼孤檠風波迭作心常悸霜雪交
加氣自清寄語九京兄與弟但餘貧病苦相縈

雪廬爲梅花寫照余卽作雪廬照題之

雪滿空山月滿林巡簷幾度費孤吟借來庾嶺三
分色寫出幽蘭一片心

蒼松翠竹共評量洗盡鉛華試淡妝未許時人窺
色相冰心祇合伴孤芳

唐蜀秀

江蘇崑山人知縣開
緒女諸生朱元理室

楊花和茗溪潘冷香女史韻 選二

江南江北路漫漫碎蹴玲瓏玉一團十里輕陰人
趁渡半篙殘漲客垂竿腰支消瘦能勝舞樂府淒
涼不忍彈無限天桃與穠李同教零落到回闌
一桁垂條綠黯然莫春作雪媚晴天鞦韆影散飄
紅袖麗毅風高卸白綿好共梨花翻酒旆曾隨桃

葉上歌筵斜陽極日隋隄外半入溪雲半入烟

方

筠

字雪廬江蘇崑山人諸生家鼎女顧某
聘室以貞節 賜旌著有雪廬小草。
雪廬未嫁而顧生卒矢志守貞工吟咏
兼精繪事姪女元恕字黛如亦善詩畫

菊窗雜咏 選四

萬木經霜瘦層巒入望清懷人惟見雁求友不聞
鶯屋小花為障厨空菜作羹一樽聊自適策杖任
閒行

一病經旬起吟懷強自支疎燈沈遠夢淒雨滴清
池貧况隨時領人情過後知臨風惟一慨肝膽莫

輕披

庭廣能延月樓高欲礙雲此閒能避俗無日不論
文人淡花同逸詩成韻各分籬東閑徒倚落葉正
紛紛

最愛黃花好其如病體何愁懷憑酒遣佳句到秋
多手倦頻拋卷心閑且放歌由他塵世事滾滾眼
前過

七月望日與黛如姪女別後口占

此別何匆遽離懷未細論刺船新水渡判袂夕陽
村小立頻回首沈吟屢愴魂祇緣天欲雨鼓棹返
衡門

述感呈菊圃嫂

往日鴻泥跡已陳今朝揮淚亦前因傷心不獨無
家客屈指誰為得意人略問行藏添感慨細談情
況覺酸辛無端風雨催分手不盡離悰兩未申

汪又蘇

安徽歙縣人舉人昌女
著有雙桂書屋詩草

抱小妹

小妹纔三歲終朝抱幾回近來新學語句句我能

猜

李

珍

字浣霞江蘇吳縣人諸生邦榮女舉人趙嘉亨室著有裁雲詩草○浣霞為周

素芳女史姪女即受詩學于素芳素芳詩見前集

初冬夜坐 選一

隔巷寒更起聲聲度碧疏菊殘霜落後風緊雁來初添火烹新茗挑燈理舊書熏籠香未燼縹緲拂人裾

題戈安人袁萼仙女史巡簷索笑圖

名園消積雪繁蕊逗春光小立待明月悠然聞暗

香清同高士夢澹洗美人妝一笑東風裏知君冠眾芳

晚烟和素芳叔母韻

薄暮紅閨繡乍停遙山幾點入冥冥柳含薄霧當窗碧草黯斜陽繞檻青雁陣衝來迷荻浦鶴雛避去出柴扃登樓試捲湘簾望猶是依依拂遠汀

秋海棠和王懷白女史韻

腸斷誰言淚點融亭亭未肯怨秋風輕烟淺淡疎簾外微月朦朧小院中睡起低分雙袖翠妝成嬌

借一枝紅幾分薄醉慵無力玉露飄來伴砌蟲

春日偶成

東風送暖草初勻冉冉流光轉眼新最是多情雙燕子殷勤猶憶故園春

烟鎖窗紗日影遲等閒又近杏花時昨宵幾點催春雨染得垂楊綠萬枝

采蓮歌和吳靜香女史韻 選一

翠蓋平鋪似碧雲亭亭玉立映波紋竝頭折取歸香閣新樣爭描百疊裙

翁光珠

字月如江蘇常熟人諸生單學傅室著有玉花閣集

理妝詩

孟光歸伯鸞遷流歌五噫道路隨傭夫聊挽髻如椎堂堂士人室閨範自有宜儀容不修飾尊嫜且詰之始知學古人學之須適時鄰女競靚妝如爲徐庾辭我亦何所擬澹素陶韋詩

蕭鳳齡

四川德陽人諸生何元如室

喜晴

喜晴偶向庭前盼畏暑常思池上行日出先看眠

柏影風來時有墮梨聲

董國容

字綺琴號靈瓊江蘇吳縣人縣佐如蘭女巡道國華州同國琛女弟著有繡墨

軒遺稿○綺琴有夙慧十歲能詩塾中讀書時兄友以關中蘭屬對即應聲曰簾外蓮事父母孝侍疾恒數晝夜不寐未嫁而卒年纔十七耳

詠簾

十二銀鈎下玲瓏障夕陽蕉痕剛入畫桐影正迎

涼半卷招風意全開待月光幽人展清簾閒夢到

瀟湘

寒雲

亭亭吹不斷雲葉釀寒天聚處輕于絮浮來淡似

煙三分描雪重一角受風偏凍合斜陽影微茫認

雁邊

寒山

一片山容瘦稜稜畫未能淡描松頂雪冷劃澗中

冰落葉封遙徑涼鐘閣上層登臨無客到閑煞寺

中僧

寒燈

寒碧暈孤檠書帷燈影清愁心同一點冷夢閃三

更漁舍光猶逗篷窗火獨明淡痕村隙露應有索
綯聲

秋海棠和高湘筠女史韻

又是絲風翦雨時新紅輕暈海棠枝三分秋意還
疑笑一樣春容莫怨遲綠葉團團遮半簇紫鈴箇
箇綴雙歧劇憐豔質超凡卉怪底偏遺社老詩

孟宗哭竹

奉母心殷泣暗吞北風一夜起龍孫斑斑他日青
陰長也似瀟湘有淚痕

龍舟

哀郢年年記舊聞龍旗波上閃朝雲吳兒自抱鴟
夷恨合泛胥江弔伍員

虎邱山塘泛舟

簫管聲中夕照遲有樓臺處有花枝舟人解事雙
橈緩獨爲青山住少時

池荷初花

已過清和四月天玉池碧影盡田田臨波忽有冷
香動葉頂一花開最先

薔薇有名佛見笑者同素琴姊咏之

別種薔薇綴亞枝淡紅豔豔放偏遲妙香一縷拈
來好想像維摩得意時

金

婉 字玉卿江蘇吳縣人諸生紹溥女諸生
戈載室著有宜春舫詩鈔○按載字順

卿工填詞刻翠薇花館
詞及詞林正韻行世

悼女馥華

汝有壽者相何忽罹短折汝無謫仙才何忽與世
絕況汝知孝友三代皆歡悅況汝極莊重性比浮
囂別咸謂宜永年福名非虛設 女小名
福兒 體質又素

強從未患疲茶今夏驟減餐偶感炎天熱豈遂入

膏肓庸醫為禍烈驅暑入心營蘊伏無從洩臨危

神已昏齒焦口流血覩此實慘然方寸冤憤結汝

病兩旬餘禱禳力已竭汝生十九年電光嗟一瞥

念汝孩提時敏悟早明澈嘔嘔識之無資稟異愚

劣見父案頭書執編即繙閱大母愛所鍾曾慈年

耄耄時與教唐詩瀾翻在唇舌入塾隨長兄咿唔

志頗切九齡試學吟鳳仙詩稱傑共喜女博士可

冀名匪竊稍長壓金線挑錦散花纈默坐小閣中

好靜復好潔仍與竹素俱繡牀書弗撤每觀列女
傳欽重古名節內務亦佐理米鹽詳鑠屑遇事輒
了了成敗能先決維時值艱難家運正脆脆見父
有愁顏誠恐甘旨缺或脫珥與簪或解珮與玦典
鬻無少存操作不暫輟役智習勞苦更積憂心悒
病根其在斯外邪成內閉深送一枝瓊哀哉竟永
訣今生汝無愆前生豈遺孽死者汝無知生者將
何說昔年墮兩雛自嘆鳩巢拙小妹未脫襁方賴
汝提挈我命何不辰汝又與我別頓失掌中珠肝

腸如寸截愛緣有短長傷心在穎哲傷心我猶可

重堂尤嗚咽相對淚泉枯音容已寂蔑幸有煌煌

文將汝平生揭

翁大人爲女作小傳

聊慰夜臺魂文傳名不

減行葬射瀆濱以此當碑碣汝有鴛鴦機兩架猶

羅列汝有鸚鵡言一卷擬刊劄汝去無挂牽我懷

愴欲裂痛哭寫長歌終難吐茹噎

尋梅

何處方能慰別愁昨宵有夢到羅浮莫嫌西嶺空
山冷且步東園曲徑幽踏雪探芳春寂寂隔溪迎

笑水悠悠暗中似有香浮遠明日還應坐竹兜
折梅

不須寄與隴頭人折得一枝天下春入手東風逢
舊隱當頭明月悟前身美人吹笛誰同夢高士橫
琴別有神插向膽瓶橫棊几幽窗相對意相親

咏梅

詩詞千古兩知音君復堯章記昔吟漫欲推敲難
繼響不嫌唐突有同心雪中句或騎驢得月下思
宜伴鶴尋有客石湖填舊譜獨成小律步深林

簪梅

侵曉園中素手忙玉鱗低繞綠雲香好偕匊葉垂
鬟側莫更呵花貼鬢旁對鏡宜招空谷侶巡簷又
換壽陽妝夜來忘共鸞釵卸留住春痕一枕芳
爲外錄詞林正韻畢書後

羅襦甲帳愧非仙寫韻何妨手一編從此詞林增
善本四聲堪證宋名賢

董世蓉

字繡霞號綠英江蘇吳縣人州同國
琛女戈昌頤室著有餐花小榭吟藁

和外題九九消寒圖韻

畫樓晚照日初斜開展新圖驗歲華寒意乍來消
未得繡餘著色到梅花

有腳陽春畫裏知淡妝漸漸暈胭脂休嫌呵凍題
詩懶轉眼花開杏苑時

和小姑如芬以扇乞外畫蝶韻

輕盈鳳子舞濃春最是滕王筆有神宛宛東風猶
未覺先從畫裏認雙身

中秋坐月

三五時光好徘徊興未闌雲頭開蕊闕海底湧銀

盤氣偏明河淡輝凝積水寒天將冰鏡啓人在玉
壺看霽色澄千里秋痕洗一丸窗開耀精彩簾卷
漾波瀾閣外誰深拜閨中獨靜觀白榆星歷歷丹
桂露溥溥夢境逢靈兔仙緣問綵鸞南樓集尊俎
西戶倚闌干夜午歌聲遠冬丁漏點殘年年青眼
在長喜對團圓

戈馥華

字如芬江蘇吳縣人諸
生載女著有課鸚短句

咏鳳仙花

九歲作

鳳在丹山穴仙尋碧海家如何謫塵世偏作女兒

花

以團扇乞毅甫伯兄畫蝶

綠草南園正好春借君金粉替傳神侍兒持向花
朝撲莫認分身與化身

學詩

聽慣吟哦侍祖庭唐詩一卷當傳經花紅玉白描
摹易筆底還須寫性靈

學畫

吾父有名詩畫家閒窗無事學塗鴉美人香草多

風雅只寫蘭花與蕙花

學繡

阿母金鍼度若何安排杼綺與機羅鳥鮮花活尋
常事畢竟書中錦繡多

盧淑韞

漢軍人朱某室著
有漣香閣詩鈔

搗衣曲

八月九月秋已深高樓夜靜聞寒砧征夫塞上鐵
衣冷少婦閨中萬里心萬里心幾尺帛朝朝暮暮
不曾歇西風滿地霜滿天一聲擣破千家月

舟中晚眺

秋色杳無際輕舟綠水灣
半村紅葉樹一帶夕陽
山飛鳥自明滅白雲相往還
遙天寥廓處雁影渺
茫間

七夕雨

天孫悲七夕素淚灑新秋
風漾蛛絲濕雲迷鵲駕
浮梧桐疎曲徑瓜果列高樓
銀漢添波浪仙槎好
遡遊

登灑陽城

登臨極目倚江城萬里秋光接玉京
雲繞萬松浮宿雨天高一雁下
初晴帆收佩浦烟波迥木落珠
巖霜氣清北望燕臺何處是夕陽
回首故園情

秋柳和衡城汪淑人韻

西風也自舞蠻腰遠勝愁絲綰灞橋
金縷一聲猶夢斷玉關三弄總魂銷
傷心鴉影秋容淡回首鶯聲春色遙
暫爾江潭怨搖落韶華轉瞬拂長條

雪景

積雪暮雲低空山古木齊柴門人跡少
一徑小橋

西

暮春即事

午窗人靜篆烟斜嫩綠枝頭映碧紗燕子不來春
又去滿庭香雪落梨花

柳枝詞 選一

翠翠拋青媚豔陽細腰宮裏鬪新妝東風不問愁
深淺依舊柔絲萬縷長

巖采 字苻香江蘇元和人府經歷謙女舉人朱綬聘室

雨生弟屬題小雲龕書此應之

孤雲未必閒啼鳥一何鬧兀坐斗室中冥心集眾
妙靜中有聲色不在音與貌徑寸明月珠瑩然如
在抱參破儒者禪拈詩當微笑

留別南窗

寂寂幽窗冷畫簷任他蛛網鏡臺粘補巢舊燕明
年至知是何人為捲簾

王淑 字婉蘭江蘇吳江人御史祖武女員外周光緯室

咏燈

燈火夜窗幽風簾不上鉤獨能憐瘦影偏解伴清

愁冷焰依人淡疎花照夢留小樓新病起聽雨最
宜秋

咏帕

熏香初拂枕袖裏彩雲拖恨織千絲錦愁挑一幅
羅淺深花樣好新舊淚痕多離別何關爾盈盈自
起波

春莫病懷

慵整殘妝鏡漸昏重簾不捲篆烟溫一林膩雨紅
成陣滿徑香蕪綠有痕料峭輕寒迷蝶夢朦朧淡

月罩花魂病中怕見春歸去閒倚桃笙靜掩門
碧天雨霽遠山橫淺淡斜陽弄晚晴影動花梢知
月上風搖簾額怯衣輕閒中心緒如雲懶病裏吟
懷似水清新綠一庭人寂寂催愁無奈杜鵑聲

和細侯弟秋感原韻

選二

木樨香滿小窗前景物撩人百感牽衰柳迎風篩
瘦影疎花籠月著輕烟殘燈留照惺忪夢落葉吹
愁黯澹天不爲悲秋腸易斷自憐蕉萃送流年
薄雲淡日易黃昏夜冷先添半臂溫白髮漸驚新

正女續集 補遺
鬢影縞衣難熨舊啼痕冰絃已斷春風曲華表空
歸夜月魂三徑依然秋色好更無人倚小軒門

題高湘筠女史繡篋詩詞小集

流水高山結素思未經識面早心知知君夙有生

花筆天與齊眉住墨池

所居曰墨池園

填成金縷曲彌高夜月春風吐彩毫我是年來憂
思結悲歌祇合擬離騷

傅

蕙

字珮珊浙江諸暨人編修棠女著有碧霞軒稿

滕王閣

傑閣崔巍夕照中蘭宮桂殿入溟濛卽今遺址荒
涼甚終古殘碑筆墨工彭蠡舟移千里月馬當人
借一帆風落霞秋水還如昨令我滄桑感慨同

蔣

蕙

字佩芳江蘇吳縣人諸生許其淮室著有玉樹樓詩集

題木蘭從軍圖

不戀錦繡叢不揮兒女淚撲地辭耶孃從軍發壯
志孰辨雌雄烏慣逐東南騎功成斂跡歸雕弓褪
玉臂勇哉巾幗英奮身成大義披圖想豪情千載
有生氣

詠瓊枝曼仙事 有序

瓊枝曼仙名隸樂籍張獻忠破武昌獲之
令侑酒瓊枝罵曰我雖下賤豈肯從賊因
以琵琶奮擊遂見殺曼仙曲意承歡陰置
鴆酒中伺賊賊故迫先飲乃中毒死

狂獮橫噬縱九州欃槍星朗真宰愁劇盜洶洶莫
與抗羣黎脂血瀟湘浮楚中途炭慘於囚驅人入
江江斷流蟲沙猿鶴同時休翻令志節歸青樓兩
鬟窈窕好眉嫵羅綺叢中鬪歌舞國色還餘國士

風陽城下蔡何足數戎幕遭逢凝碧秋一鬟殺血
衅刀頭一鬟婉轉迎賊意深沉智略悲難酬此時
成敗誰爲主千載荆卿心共苦君不見廣陵一枝
風鶴驚紛紛卻走經與撫

寄外揚州

舊情徒負負新恨又迢迢明月一千里秋風廿四
橋雁書愁繫足鶴夢想纏腰分付隋隄柳休教結
客橈

出關八咏 有序

余垂髫時隨先大父宦游大子州吉木薩
 諸地耳聞目見詭異殊常惜時方稚弱不
 能記述今歸吳門瞬將十載偶一追憶得
 詩八章聊誌舊游風土若云文獻足徵則
 吾豈敢

陰山亘古少人行霽雪光搖萬里晴上下人家千

百戶一年齊聽鑿冰聲

雪山

烈澤焚山用火攻千年地脉尚流紅任他絕世孤

寒骨到此都應變熱中

火山

白草黃沙滿塞庭何來渡口忽青青料應生近明

如豕感得蠻荒地亦靈

青草渡

一望荒寒馬跡深覓鉏愁煞老農心雪泉百斛沙

千斛布穀何如去揀金

白沙河

腰如束笋腹如匏哈密攜來色味饒休道瓜期容

易代秋風深處渡燕遼

哈密瓜

火浣休嫌色褪紅漫山黃葉繭同功製來莫笑衣

冠陋著處猶存太古風

火浣布

磨牙也似凍鴟蹲半穴平沙半草根怪爾原非田

鼠族不曾具體便狠吞 土鼠

竟尺腰支六出凝除煩大好滌炎蒸夏蟲莫便從

旁笑笑汝何曾可語冰 雪蛆

和陸鐵簫先生題贈拙稿原韻 選二

芙蓉祇合冒霜開可奈頽波去不回惆悵舊時江

上路衝寒放艇有誰來 舊居玉樹樓在芙蓉江上今已屬他人矣

了了何須說小時儂家况有繡餘辭 女公許若洲著有繡餘草

而今回首聯吟地只有當時皓月知

許學衛 字蘭猗浙江錢塘人員外學歐女兄諸生周以豐室著有鬢花小草

咏梅和外

園林半樹衝寒早桃李三春鬪格難雪後添肥月

前瘦山中相憶水邊看仙標出世應稱絕風味如

君未去酸最愛黃昏香暗動好攜尊酒佐清歡

題號國夫人素面朝天圖

半面識春風蛾眉淡最工琵琶稱弟子若箇八姨

同

隊別五家行宮衣映日明萬花遙避豔天子在華

清

余碧 江蘇金匱人

墨濤閣夜坐

雨過山呈淺黛雲來松起長濤清簟疎簾看奕碧
天涼月吹簫

繡閣香簾秋水枕函紅淚春冰夜半夢回人杳竹
間一點寒燈

清磬敲殘曉夢疎鐘撞碎鄉愁梧葉淒涼辭樹蟲
聲作意鳴秋

孫夢月 字花如浙 汪平湖人

題胡香翰女史琴韻樓詩稿

想見薰香坐吟箋手自裁紅絲聯鏡匣綠綺傍妝
臺嫋嫋簪花格翩翩賦茗才而今深閣裏寂寞鎖
塵埃

盛琴姐 河南鄆城人

旅店題壁

道旁少婦語聲嘩簇擁香車窺碧紗儂愧風霜顏
面改笑伊猶道貌如花

湯瑤卿

江蘇陽湖人知縣張琦室著有蓬室偶吟○按琦字翰風有文名四女克承家

紅香館

學俱工詩詞縑英
詩已選入第十卷

臘月送外之常州

挑燈與君別執手意綢繆風雪將加厲年年此做
裘

隔籬搖竹影寒月寫離愁忽聽江邊雁悽聲過小
樓

自常州至嘉禾途中雜詠 選一

碧波渺渺櫓輕分何處鐘聲隔岸聞一抹曉霞螺
髻出舟人遙指錫山雲

張縉英 字孟緹江蘇陽湖人知縣琦長女
主事吳廷鈺室著有澹鞠軒集

畱別弟妹

聚首既云樂每憂分手時分手忽在卽別思何可
支堂上白髮親容顏漸就衰嚴君雖強飯辛苦事
驅馳慈母更抱病常藉藥餌資荏苒卅八年骨肉
久相隨一旦欲睽隔戀戀不忍辭視彼投林鳥迴
翔繞故枝嗟余獨遠行何日重牽衣弟妹設酒筵
殷勤勸一卮舉杯屬弟妹揮涕還致詞遊子日以
遠親心日以悲承歡侍朝夕步履謹扶持親身日

以健子心日以夷千里誠迢遙魂夢長瞻依回首
再三囑不必問歸期努力事二人慎莫說相思

古劍

百戰雄心在千秋寶氣揚風霜凝慘色神鬼泣寒
芒電掣青鋒冷虹橫碧落長良才未淪沒光彩識
干將

夜夢還家

夢裏關山近休歌行路難五更頻涉遠千里獨衝
寒繞膝仍相聚牽衣不盡歡鐘聲忽驚斷欹枕淚

關干

張綸英

字婉紉琦第三女諸生孫劼室著有
綠槐書屋集○婉紉工書能作大楷

題雲峰山鄭道昭石刻

巍巍雲峰山干仞不可極猿猴愁攀援飛鳥苦難
越壯哉鄭將軍振衣造雲闕峭壁恣濡翰雲崖留
真蹟怒濤腕底生迅雷筆端出颯颯龍蛇飛矯矯
鸞鳳活字蘊天地精墨灑山川澤妍姿悅仙靈剛
鋒驚鬼物深淳李程規堅勁鍾張骨煙霞常呵護
風雨不敢蝕千載仰遺型神采猶奕奕斯山藉公

靈海內憑研習愧我性庸愚臨摹空彷彿展卷每
流連抗懷長歎息

張紉英

字若綺琦第四女諸生王曦
室著有鄰雲友月之居集

寒月

天迴月初上沈煙一徑深峭寒凝遠岫冷彩凌空
林籬竹舞清影江梅共素心莫嫌風景異好為洗
塵襟

讀緯青姊遺稿

浮生若流水死別忽經年淚眼驚秋早離魂有夢

牽鶴飛華表月花落夕陽天此日西窗下空餘詠
絮篇

陳品閨

字筠齋浙江海寧
人諸生陸揆初室

偶成

鷓鴣聲裏雨瀟瀟一縷爐煙篆未消高枕欲尋蠅
蝶夢隔牆吹過賣餠簫

周岫嵐

江蘇上元人諸生張
灤室○岫嵐工畫

自題畫蘭

昨宵詩夢到瀟湘露濕幽叢擷素芳月冷瑤琴彈

一曲春風吹入墨雲香

袁

嘉

字柔吉浙江錢塘人知縣故孫女主簿
遲女○柔吉早寡守節工填詞妹管亦

能詩

落葉四首用漁洋秋柳韻

選一

哀蟬一曲最消魂滿目蕭條靜掩門漫憶春光襯

花影早傳秋信破苔痕翻飛薊北斜陽道妝點江

南暮雨村身世何堪悲聚散芳華回首莫重論

韓

鉉

字佩芳山西汾陽人州同肇均女○佩
芳工琴善畫姊鎔亦能詩兼精小楷

新秋夜坐和佩芝姊韻

空階侵露濕風過送新涼水面含煙靜林梢挂月

香竹陰圍硯几荷氣潤琴囊何處疏鐘響聲聲到

畫堂

題袁黛華女史天寒有鶴守梅花圖

香團雪影小窗橫只許霜禽結素盟幾曲流泉林

外響一鉤涼月嶺頭明琴心脉脉愁偏遠漏點沈

沈夢亦清都是逋仙新眷屬好從畫裏認三生

陸

惠

字璞卿江蘇吳江人諸
生張澹室著有歸荑集

月笛和計崑璧女史韻

一天涼意客登樓
嘹唳聲隨皓月流
折柳橋邊情不盡
落梅江上夢都愁
飛來霜氣紅閨冷
譜入商音紫塞秋
徒倚胡牀三弄罷
尙聞餘韻碧空畱

題蕭山股堰祠碑記後

有序

元至正朝西興屢有水患
吏議築堰禦之而堰伏水怪旋作
旋潰里正楊某以此獲咎責其過限當死
其妻王氏設祭堰側剖股投水示信
祝水怪不徙誓以身殉是夕風浪大作
共覩醜類破空飛去堰遂成里

人德之立廟以祀代有詠歌因亦繼作

事到艱危敢惜身
拌將微命殉良人
精誠竟使支祁格驅鱷
奇文格更新

民命常投不測淵
最難閨閣力回天
千秋廟貌穹碑聳
功烈重書至正年

朱淑均

字蓮卿浙江海寧人諸生查冬榮室○蓮卿與妹菊卿幼相倡和比長同歸查氏爲妯娌著有分

繡聯吟閣合集

此夕

蕉窗秋似水
小坐夜眠遲
曲院花雙影
新涼月一

眉挑燈方倦繡倚榻自吟詩此夕愁多少階前落葉知

哭歸佩珊女史

小劫紅塵滿瑤池控鶴游優曇原一現閨閣亦千秋此日增悲感當年共唱酬泉臺應捨筏回首莫雲愁

別來音問杳聞訃倍心驚人本如花弱詩真似水清傳名憑後世成佛定前生同調傷先逝臨風涕淚并

病中寄外

終朝祇與藥爐親多病沈年判此身署券難來如意婢編詩愧作詠花人惡頭不驗誰推卦

古有星士號顏

惡頭善推卦左腳妨行每負春

羅隱詩有左腳方行右倘得賣文錢早寄免教搜篋典衣頻

痺故翻用之

歲闌

朱淑儀 字菊卿淑均妹○菊卿早寡詩多悽惻之音 歲闌窮未送忍凍讀連珠琢句如梅瘦彈琴伴月孤墨凝冰入硯炊斷雪封廚添綫勞閨詠寒消九

九圖

春暮與九英姪女聯句

風片雨絲紛似麻淑儀綠陰如水閉窗紗不芟庭畔

翁孫竹芝生愛折牆頭姊妹花坐樹黃鶯頻賭曲淑儀

掀簾紫燕乍歸家石泉槐火吟成後芝生嬾向西鄰

去鬪茶淑儀

陳文瑛字素珍浙江會稽人進士光緒女諸生施燕室

盆梅

移種向幽林香凝碧缶深賴君邀月影使我滌塵

襟小貯雪霜節遠關天地心一枝春已足窗外覺

寒禽

羅湘字淡仙江西南昌人

春日感懷

獨有雙眉皺春風吹不開新黃半窗柳冷翠一簾

苔短笛催愁起輕箋帶淚裁自知心意苦猶比斷

猿哀

同社諸女士分詠秋聲拈得竹雨聲

叢篁戰雨小亭陰珠珮牽風戛翠林獨有詩魂敲

不斷泠泠午夜和清吟

沈善寶 字湘珮浙江錢唐人也

秋日感懷 選四

印窗斜月影娟娟白露迷漫水接天邱壑趣尋了

卯集蟲魚書註癸辛編夢中覆鹿情常幻江上征

鴻信不傳 久不接松江丁步珊 欲寫湖光寄縑素

雙峰螺髻鎖寒煙

領略宣文白雪詩幸隨月姊侍西池 時集許雲林

社梁楚生太夫人首唱 烏絲翠帙瑤華草 席怡珊

夜來香鸚鵡詩命和 有瑤草珠 吳蘋香姊著 江夏無

華閣詩集 碧串紅牙漱玉詞 有花簾詞稿 同岑

雙唐博士 謂黃穎 金閨第一漢班姬 謂鮑玉

更喜同聲應 項親卿吳菴香兩 愧我尖叉步韻遲

滕王高閣舊登臨南浦西山思不禁秋水豔畱才

子句芳碑香表美人心萍蓬踪跡三生夢冰雪襟

懷七字吟 昔在豫章與劉箋雲姊談道 千里難忘

聯袂日箋雲遙隔嶺雲深 姊有大道還從心內求句

雪泥鴻爪憶當年菽水關心放畫船 會為養 鶯脰

湖中銀鱸美鹿筋祠外玉蓮鮮擢飛黃浦千重浪 親售畫

車歷青齊九點煙往返雲山供嘯傲墨花灑徧海
苔牋

顧德華

字鬘雲江蘇吳縣人州同
開均女著有花韻樓詩

香雪海歌

香雪海乃在鄧尉之山徧地梅花發光采漠漠花
田春不改花海來探幽髣髴乘槎遊鄧侯鄧侯渺
何許煙中翠羽鳴啾啾鉛華洗淨春風影花氣蒸
雲雲氣冷細吸芬芳肺腑清吟魂飛度長旂嶺俄
然四面鬪香風花飛恍坐波濤中茫茫崦東崦西

路還疑屢閣鼇鼉宮夕陽散影紛糝糊白璫璃映
紅珊瑚須臾月湧冰輪出滿林激濫浮明珠此時
引領遲遲去此際襟懷消俗慮撫琴三弄萬峰臺
惆悵成連不知處

聽韋修月世妹彈琴

師門閨秀善鼓琴垂髫德已修悒悒七條瘦玉發
奇弄泠然萬壑松風吟庭花欲語泉欲流皎皎明
月窺簾陰須臾有聲似無聲宛轉不辨宮商音回
軫泛徽調尤勝鸞鶴交飛碧天淨但覺寒香袖底

生不知冷韻指尖迸閒興寫蘭墨彩融湘雲楚水
琴意通世妹工畫蘭洗盡人間箏笛耳餘音猶繞紗窗
中

海湧峰觀日出

高峰遙接東溟水赤波斗湧金烏起風濤滾滾光
晶晶天門欲闢天有聲掩曖扶桑島嶼微曉星亂
落雲霞飛遠山曙色濕煙霧一輪紅襯珊瑚樹

綠陰選一

低枝密葉午陰清濃綠交加縱復橫夜雨翠添千

樹暗夕陽紅瘦一花明蕉窗已滿緘書影竹徑微
聞解籜聲為惜晝長深院靜移來冰簟聽殘鶯

細雨

細雨織廉纖輕陰濕畫簾嫩寒花霧重草色一痕
添

呈韋君繡師

牙籤錦軸舊青緗家世風流賦夕陽喜得春風吹
滿座紅梅花染絳帷香

綠蕉清影護山窗想見刪詩暖麝釭遙蒸瓣香看

正始續集 補遺
夜色篆煙和月落楓江

病起

藥爐煙裊碧於絲小病疏慵睡起遲
幾日峭寒簾未捲杏花紅到出牆枝

席

筠

字琴德江蘇常熟人諸生王雲上室

秋晚卽事

搖落深秋節西風透薄羅
愁憐雙鬢改貧覺一身多
墜葉翻庭樹寒蛩咽砌莎
添人悲感意淡月照烟蘿

季瑞貞

字靜玉江蘇昭文人按察使學錦女知縣景燮室。姊淑貞字靜珊亦能詩

靈石縣道中

孤城一角暮煙迷亂石縱橫滯馬蹄
出寺鐘聲浮樹杪穿雲日影隔峯西
遲遲晴晝征人倦杳杳長途斥堠低
回首雁門春色好小桃花發鳥初啼

王坤吉

字令儀四川犍爲人

送二兄赴官

送兄此去任驅馳萬里雲程發
朝時年少功名談豈易且將清白使人知

屈

凝

字芷湘江蘇常熟人通判保鈞女舉人楊希鏞聘室著有心間館草

錢子霞舅氏命錄庶姪謝雪卿夫人遺詩即

書卷末

零星拾取衍波箋惆悵仙姝謝自然語語靈機啜
獺祭行行小字認蠶眠花彫梳子心難結露盥薈
薇手替編錦瑟無端成絕響為君痛惜是華年

贈季湘娟嫂即題楚畹閣詩後

阿兄才地自翩翩嘉耦兼資內助賢從此鷗波傳
韻事本來湘水有深緣早哦秀句先超俗况觀明

姿儼若仙最愛香清妝閣畔拈毫纔罷又調絃

屈

敏

字夢蟾凝胞妹諸生陶尚賢聘室○夢蟾與姊芷湘幼擅清才有屈氏二妙之譽乃俱以時疫同時夭歿輕塵短夢殊可傷也

合江亭

波紋如練雨如絲鼓棹中流任所之忽聽畫眉啼
不住合江亭畔卸帆時

駱思敏

浙江諸暨人諸生駱烜女○按思敏有胞姊思慧自幼繼與姨母遂從馮姓詩

已選入
第四卷

秋山瀑布

劈破高峰最上頭玉龍直下隱潭湫橫空百丈銀
河瀉挂壁千尋素練浮濺雪噴雲楓葉晚穿崖度
壑竹林秋誰來濯足清泉裏洗淨紅塵一泳游

柯能織

安徽青陽人
諸生管慶室

舉子

選一

青雲眉髮雪肌膚語待人猜立待扶短枕寢眠雙
臂與長年寒暖一心俱懶看小婢當堦戲厭聽諸
姑隔牖呼縱使他時能孝養恩勤似此得言無

夏之蕙

字楚香直
隸獻縣人

新野題壁

南陽已過近襄陽兩漢興基事渺茫只有美人故
鄉里依然綠水護鴛鴦

宛轉河濱好駐車無人結網樂魚蝦秋風黃到垂
楊岸處處金針發冷花

孫英

字小姪順天大興
人諸生蕭廷弼室

偶述

五歲能識字阿爺教音聲十歲能弄筆阿兄誇聰
明吟詠月素彩描繪花輕英女紅不事事阿娘怒

容生巾幗縱有才曷與峩冠爭果其多所能不祥
讖將成少小罔思俊迴首心怦怦慈親言何中掩
淚挑燈檠

王韻梅

字素卿江蘇昭文人著有問月樓藁○
素卿工琴又善填詞所適非文人抑鬱
早卒其藁同里孫心青
太史為之序以傳之

琴詩

選一

古調日益稀新聲日益靡賀若不可作誰與論宮
徵我生有琴癖少小耽桐梓撫弄二十年稍稍覺
今是今人務新聲抑按隨所指分寸既失度猱綽

多離軌何至三犯音洛蕩而卑鄙琴調三千餘貴
在得其旨不然絲與竹豈不悅俗耳

送春

甚欲畱春住其如竟去何愁心和弱絮搖蕩入煙
蘿花氣薰簾暖禽聲攪夢多韶光空九十又是等
閒過

春莫病起

瞥眼芳時事事非暖風斜日柳棉飛瘦紅庭院鶯
聲懶暗綠簾櫳蝶影稀一病纏綿忘歲月百花開

落到薔薇愁懷欲說何人共腸斷吟成淚滿衣

白秋海棠忽綻一花作鮮紅色感賦一絕

孤館淒清欲睡難涼風瑟瑟月姍姍玉闌干外秋

痕澹紅淚花梢一夜彈

春日

淡煙樓閣雨初晴隔巷簫聲喚賣餠纔得幾朝新

病起碧桃零落過清明

綠陰如幄草如茵飄瞥春來又莫春癡與流鶯說

殘夢落花翻笑倚闌人

王

謝字絮卿素卿妹諸生邵淵亮室著有瘦紅閣藁○絮卿工畫又善吹簫鼓琴

春日微雨

霏霏漠漠意纏綿積潤園林景物妍三日東風紅

杏雨一池春水綠楊烟重幃燈燼紫殘夢暖閣香

銷怯曉天好待來朝深巷裏玉簫吹徹畫樓前

黃淑宛

字姒洲福建永福人知縣任女姒洲妹名淑晚詩已見前集

題二喬觀兵書圖

似此娉婷偏愛武戎韜讀處有同心我生盛世無

他好與妹常論女史箴

蘇約雲 字淡如浙江山陰人

夏日即景

好花都趁好春光點綴韶華藉眾芳生小最耽清

夏景紅蘭幽雅碧蓮香

程文桂 字月芬江蘇丹徒人簡廷女○月芬為女史李葆貞女習聞慈訓年甫十七耳

花朝

百花生日是今朝燕語鶯啼景最韶飫眼芳菲宜

徧賞枝枝親自挂紅綃

黃之淑 字耕晚廣東南海人諸生祖香女○耕晚早寡寄寓維揚工詩善書尤精六法

乙未冬 陶雲汀先生入

觀蒙賜 御書印心石屋額歸於故里及蒞治名勝之所各

建數楹以奉

宸翰繪圖賦詩人爭紀勝耕晚亦做十圖各係以詩藝林傳誦

題印心石屋圖 選五

源于都梁委于洞庭三楚之望九江所經水洄山

複滙為石屏崖濱雲合江上峰青潭澄印月石臺

疑星沅湘夾秀申甫鍾靈麟鳳在岡鳧鷖在涇估

客叩榜漁父揚舫千秋萬歲永勒

天銘 安化本山人

六代江山地

君恩幕府開書蟠龍虎阜亭壓鳳凰臺卽此輝南
極真同幹斗魁不瞻

雲日麗誰識投天才

金陵翠微山

二分明月領揚州半壁東南保障優府海暫兼銅
虎節看山豈是錦帆游玉堂飛白榮逾范石壁磨
青蹟壓歐況是

六飛行幸地千年星斗護秦郵

揚州蜀岡

胥口有山屢屐劍池有石清泚若非纓濯滄浪誰

信臣心如水

大宋當年撫吳西陂兩荷

天書湖山復茲佳話先後賢哉大夫

姑蘇滄浪亭

林巒俯瞰近滄瀛風送潮來月有聲未見

翠華臨澗谷先畱

寶墨照江城

切灘先擬掃珠婆

公遊焦山句

功格滄江永不波銘勒

不論周鼎餐光華長峙海門螺

鎮江焦山

程元妹

字瑩華浙江錢塘人○瑩華一號慈雲女史與

先祖慈一見如故所贈詩箋已入前集花朝月夕
先祖慈每道及初遇時女史一身縞素清心玉映有林下風惜未能時相酬畲且未
悉所居里開欲再問其人讀其詩而竟不可得今余於王琬紅女史詩稿中讀此二
絕為之一快因破格收入以成先志妙蓮保識

題王琬紅小姬媛吟稿

美人原合住西湖瀟灑吟懷興不孤幾度花陰貪

覓句綠窗妨了繡工夫

洗盡鉛華昨夢非淚痕常染舊羅衣寂寥誰是清

吟伴簾捲春風一燕歸

高

簪

字湘筠江蘇元和人舉人朱綬室著有繡篋詩詞小集○按綬字酉生有才名湘筠詩已見前集茲復郵寄近藁多咏古之作及表章名節者故特破格補選以維風化

兩婕妤

猛獸逸圈勢何急合殿倉皇驚莫及壯哉婕妤好當

御立感君恩重輕妾身掖庭佞兒安足瞋日蝕山

崩妾無語會見政君來殺汝可憐漢天子皇孫燕

啄矢後來辭輦人藏扇長已矣嗚呼辭輦生當熊

死兩婕妤好重青史

誦父書

中郎誅史才滅文姬流異書絕魏公不惜千黃金
知妾父書能誦憶歸來託命對新人苟活草間慚
節烈人生倉卒難引訣從古盛名多瓦裂異域兒
生不知恥鞠育恩深念無似外甥濟濟況多才視
彼仲宣羊叔子嗚呼文姬何不死

金匱詞

丈夫臨事當自決謀及婦人必亡滅手操麴杖作
勸駕寡婦孤兒殿中泣焉知綢繆金匱辭花面老

臣能主之婦人貽誤有如此德昭白牋廷美死

解珉悲

嫡母死金瓜下察八誅壽寧寡劉妃顏色誰圖寫
南侵欲立吳山馬海陵虐政何紛紛妾行不行皆
累君含啼解佩與君訣死妾死身君身良鄉碧水
何粼粼君不見韋娘嫁後龍沙隔柔福空歸海上
春

哭三嫂沈芳蒸恭人

選一

自我去膝下歲月屢已更慈姑得賢婦庶幾慰我

情迢迢尺素來開緘心魂驚懿淑不獲報此理竊
未平念我同懷子嗟悼暗吞聲偕老願已虛絨佩
何足榮念我白頭母顧復抱中孫訣絕長已矣何
處歌招魂

題樓節母篝燈夜績圖

昔讀青邱詩中有辟纊吟賢哉兩節母異世同所
欽嗚呼婦人倚仗夫與子夫死婦生婦如死立孤
殉節何者難義貴就難載彤史上視天滄浪纍纍
逋負將安償下顧黃口兒臥啼東壁無完裳積麻

一束麻絲斷續淚滴眼枯水寒手曲黃鵠徘徊哀
鳴向天霜風吹野迫於下泉十年貌毀心不改苦
雨寒更一燈在兒能成立婦殉夫賢哉此母今所
無

和外梁鴻墓作

要離碑沒金閭路云有前朝伯鸞墓行人下馬問
斜陽憑弔荒煙起微慕嗚呼儒林獨行何代無披
裘把釣皆其徒昔賢出處自千古佳耦亦與凡人
殊練裳椎髻辭鄉里偕隱青山澹榮仕歎息吳中

綺縞人四方匹帛良家子高節難求風教薄賃春
心事嗟寥落長卿慢世婦當爐子雲識字身投閣
先生道高非隱淪五噫歌罷徒悲辛能從廡下識
奇士尙憶臯橋賢主人

項烈婦詩

烈婦歸汪氏夫
歿自刎以殉

烈婦項氏歸于汪食貧鴻案能相莊昊天不弔罹
厥殃夫櫻沉疾中心傷君生妾生亡妾亡比翼願
化雙鴛鴦鴛鴦會雙死桐枯見梧子萬古千秋恨
血斑婦殉夫亡一朝耳伯兮叔兮善事姑舅姊兮

姒兮延我夫後妾心祇欲從下泉妾死豈圖名不
朽從容就義古所難正氣乾坤有時有

錢貞女詩

有序

錢湘舲侍郎女名淑字冰如許字王利謙
未嫁夫卒請命于父歸夫家守貞翁病危
刲臂以進得痊家事操勞歷盡艱苦曾爲
西債所逼投繯幸未絕余欽其節哀其遇
爲作是詩

嗚呼士生重氣節女生重貞烈貞女十八歸太原

三十餘年殫心力死喪婚嫁任一身拔釵典珥無
餘困高天不照白日黯坐使貞孝名沈湮西人何
揚揚纍纍子母相權將負汝數十緡追呼暮登堂
妾生貴家女妾心凜冰霜疾風暴雨且不入此輩
意態何披猖語汝且歸去作計將汝償償之不得
入室心傍徨殘燈飄焰鴟鷂泣宛轉朱絲梁上結
貞孝豈能從此畢一室驚呼若有神貞女回生重
嗚咽親族無言鄰里悲令我傷心感疇昔汝之祖
母我曾姑我父與汝稱叔姪數稱貞女才飛絮吟

春風數稱貞女孝剗臂曾療翁父望重臺閣女儀
式女宗嗟嗟識字憂患始詩誦柏舟貴彤史閨中
豈乏辨琴才惋惜悲笳發微旨噫嚅噉文姬失行
詎足傳孟德憐才尙如此汝父

先皇舊侍臣文章孝行推鄉里豈無故舊在朝堂
風化維持爲君起嗚呼貞女汝母死

袁萼仙

字素梅江蘇元和人。謹按太安人爲
戈順卿先生載之母詩已選入第七卷

中迨余錄續集成吾

父見亭公命付剗以淮上書手不精特
囑王君甫亭攜付揚州王君請順卿先生
代督校刊適太安人以題詞詩來余深愧

揄揚而喜能表彰
先祖慈選詩之意因特破格收入補遺藉
為歷卷用光斯集長
白女士妙蓮保識

題正始續集後

王化起閨門二南推正始婦學德居先才華乃餘
技偶爾道性情禮義知所止歌詠植綱常維持在
倫紀裁霞曳繡詞寄托興兼比麗則歸溫柔方合
無邪旨風雅有津梁誰能示正軌緬惟太夫人女
宗久慕企經史素博通福慧擅雙美壺儀鍾郝齊
吟壇鮑謝擬六法法宗老酷與南田似慈誨畫中

詩鳳池薇染紫寶錄輯蘭閨匪獨傳名氏鑑古以
勸今體例追中壘本此立詩教選樓掃塵滓四海
富蒐羅操觚非率爾風化主闡揚表微良有以章
句費甄別因人定臧否義實寓興觀辭必祛浮靡
煌煌二十卷手校壽諸梓聞風投贈多堆積芸箱
裏月旦復品評懿搜猶未已觸目皆琳瑯俯采及
下里愧非詠絮儔玉樹蒹葭倚續集方纂成遽嗟
病不起年未登古稀歸真何太駛風淒嵩嶽雲月
冷蓉湖水茫茫紅香島徧放蓮花蕊鸞鶴迓仙輿

仍歸侍大士丸熊願已償名臣有令子著述更千
秋哀榮備至矣所歎隔雲泥無緣叩芳趾遙瞻一
品旌瓣香感知已遺命授遺書勿聞生與死賢哉
女公孫班昭能續史述德繼前編丹鉛重校理還
助北堂勞補遺廣意指要維絳紗訓家學綿積累
徽音永不朽彤管垂嘉祉卽此播藝林又貴洛陽

紙

姑蘇吳青霞齋局刻

紅香館輓詞

女孫妙蓮保輯

癸巳夏日驚聞 惲太夫人訃音因次前見

贈原韻以伸悲感 山陰潘素心 虛白

驚聞仙馭返神洲總帳風寒泫水秋有淚幾番疑
夢幻無眠鎮夜數更籌七言枉自賡詩句千里無
由奠酒甌從此人天相隔絕常留餘慟在心頭
母儀闡範世爭誇黯淡靈旂引素車身後一編詩
有教庭前雙璧玉無瑕層霄遠命雲中駕尺幅空

留紙上花最是琳琅佳句在幾人閨閣仰聲華

平生福慧美君全歎息歸真少我年子職休悲違

色笑見亭侍郎由黔藩擢楚撫奉使荊州聞太夫人有病奏請省視會先薨豫撫以告欽奉

汝所願著來京成服 君恩又感聽傳宣傷心湘楚三更月回首牂牁萬

里烟欲置生芻躬告莫哀吟嗚咽不成篇

夜臺無路達雙鱗卅載因緣翰墨親宦跡雲泥雖

隔分心交生死可通神招魂燕土濡朝露屈指鸞

驂弔暮春留得餘芬彤管在遺言猶記報書頻

哭珍浦二姑母

陽湖惲 湘 岫雲

驚聞鸞馭返仙都江上羈人心更孤往日停雲猶

可望此時歸旒未能扶常思萍跡聯清蔭豈料風

枝折半途六十未衰頤養體那禁龍樹名慈烏

小小爭誇咏絮才瑣窗硯席傍妝臺畫眉筆掃羣

花艷和瑟堂開佐治恢浙水波回通歛浦岱峯雲

遠接蓬萊更欣蘭氣如護草慈訓先從德性推

十年覽遍江山勝一品旌回黎庶哀汴水恩波淮

泗溥

其年中州麥熟廣濟淮揚

中州嘉蔭祖孫培使星迭見三

遷去愛日曾看五代來姑母逮事重盛德無慚含
闡含飴已久

笑逝祇令追感鎮心摧

惠姑位業班姑史出世神仙壽世人編集婦賢題

古竹傳衣孫慧守遺薪三生修到梅花福一偈空

存栢樹春愧說宗風恨零落敢將翰墨證前因

紅香島詩用東坡芙蓉城詩韻

錢塘管 筠 靜初

海中仙島春冥冥玉樓半亞湘簾丁闌干十二開
翠屏萬花如海花娉婷妙蓮大士螺鬟青侍者一

一 銀河星囊中五嶽留真形玉箱四壁金璫經墉

城位業皆真靈斑麟小队隨雲駟雙成飛瓊皎如

玉丹訣靜帶蓮花馨瑤天丹詔下紫廷朝陽雙鳳

雲中聽前綠朱鳥窺牕櫺蘭陵雲樹環水郭芙蓉

湖水何清冷仙館深護文疏局雛鳳舞罷閒梳翎

泰山石道喧奔霆玉女池上留仙亭肇悅絲繡椒

花銘青囊鶴步行蛤傳紫薇夜月鏗流鈴清心玉

映神忝醒蘭闈瑤訓傳叮嚀芳園桃李傾玉瓶仰

視碧落星熒熒百花長卷花露零甌香氣奪龍涎

腥蓬萊舊主遲滄溟一奩日月雙浮萍簪花妙墨
留黃庭詩壇禾美田無螟微名附驥過百齡不須
更問廬山邢

哭 惲太夫人用兄春林辛卯秋奉謝韻

阜陽李清輝 月卿

慈雲蔭注向寒門

太夫人生前恒以清輝貧寒為念聞之感激泣下 心感

真如挾纒溫驚逝重泉空灑淚焚香沒世永銘恩
受知逾量誠難副圖報何時莫逮存涸鮒餘生長
戀慕願隨紅島侍晨昏

惲太夫人輓詞

錢塘汪 端 允莊

鍾毓蘭陵有盛名芙蓉湖水碧冷冷夢中光氣明

如月女宿中間第幾星

謂夢珠而生

畫禪詩律重瓊瑤彷彿卿雲麗絳霄三絕才名盡

家學烏衣門第冠南朝

詩學受於外家畫法受之宗老南田老人 太夫人

族祖也

妙蓮大士淨如蓮侍者因緣總若仙留得三生明

月在紅香島上護書年

少時曾夢至海中一孤嶼上有蓮花遇人告以前身

為紅香島妙蓮大士侍者掌司秘籍常自繪紅島護書圖且以紅香名館云

紅香館

合稱人間一品衣錦雞詩句有先機金閨佳話紅

閨美好向朝陽學鳳飛幼時侍宦肥鄉始見 完

筆立就詩日閒對清波照綵衣偏身金錦世應稀顏太夫人以錦雞試賦援

一朝脫卻樊籠去好向朝陽學鳳飛大蒙鑒賞遂為泰安公聘定焉

叢祠梵境駐旌旂隨宦香車紀舊遊西望瑤池降

王母池邊盤道幾人修從宦泰安修岱頂王母池盤道所在修治多類此

不須鴛譜度金鍼修到仙心即佛心親與心經繡

馨悅王姑心跡本觀音會為王姑 戴佳太夫人繡心經於悅

一代班曹此大儒宣文壇席即蘇湖夏峰二曲遺

書在紗幔傳經近世無嘗舉孫徵君言以訓子 竝刊李二曲先生集

應知侍膳笑舒眉金帖青錢絕妙辭夜月紫薇圖

意古長留佳話鳳凰池嘉慶己巳長公子年十九舉進士授職中書 太夫

人賜以自繪紫薇夜月便面題曰金帖傳名青錢入選薇省深沉鳳池清淺夙夜勿怠匪躬蹇蹇叨

列清班勉躋通顯

親將訓詁集蘭閨扶植綱常重副笄一序元言眩

至道乾坤消息悟端倪纂蘭閨寶錄先行義而後才華深禪世教其序文闡

坤顯乾藏之指深明三才之道為自來言易家所無

擷芳一集擅飛鴻閨閣詩多選未工千九百篇蒐

采徧獨將正始表林風 正始之選體例遠過飛鴻堂擷芳集

法苑珠林有別裁杪羅花樹幾番開一編重刻楞

伽記夙世知從佛地來 會閱內典見楞伽記而悅之次三兩公子因刊板藏

京師龍泉寺中

挽回疾苦祝平安一縷慈雲蔭魏壇鶴背青囊勤

濟世蒼生多少活金丹 嘗製藥輯方濟人無算

鍾郝真能禮法兼幾人嗜好合酸醎品題曾憶紅

蘭女玉映清心最不凡 紅蘭主人女縣君與太夫人最契嘗謂清心玉映

真非凡品

海內爭推母範尊百年世德重清門大家訂集傳

丁婦家學還詒十女孫 太夫人女孫十人素稟訓誥嘗命分校諸書冢婦程

夫人為督率之

瑤天鶴馭更鸞驂嵩少三花月滿潭可惜咳蘭難

遂願不教醇化被江南

東望雲關未有涯河流直到五條沙金丹九字安

瀾訣香火還應耐碧霞 長公子官東河日太夫人以巡歷勤賞罰公儲峙

廣三語相訓今總督南河家翁頤道先生日持此治河九字金言加以權衡時地可以永保安瀾

太夫人宜耐祀碧霞元君祠也元君即天后

吳縣文靜玉

湘霞

品題畫苑領詩壇前世星精下彩鸞繡出梵經皆
佛理施來靈藥卽仙丹花殘蓮島紅香冷水落蓉
湖碧月寒乞得蘭閨新寶訓親將繡帙護沈檀

金企韞

蘭心

在昔昭明開選樓表彰鴻業空千秋樓中帝子今
何在量材玉尺無人收豈少宗工與哲匠飄然月
姊凌其上仙珮翩翩來蕊宮星分奎壁英靈鍾金
源遙胄大功里有公侯夫公侯子起居八座朝三

清口吐明霞散紋綺鍛年琢歲垂金璋集成紙價
高洛陽清風和氣扇海內菽林驚視璇璣張彬彬
閨閣裁雲錦藻采繽紛濡墨瀋秋菊春椒鬪妙才
謝女班姬擅能品雌亭翫麟英風吹誰女弟子誰
宗師卻爲一峰仰天姥同拜下風來學詩騷壇莫
與當旗鼓都聽節制歸班部譙國指麾娘子軍退
之爲羊進爲虎矍相觀射去留半半中雖美復勘
斷風雲月露胡爲乎金粉烟花何足算慨然軫念
乾坤先元胎太極無枯偏一自斯理落形氣性靜

恐涉情動緣士有百行女惟一尤宜堅貞葆初吉
當其發語昭心聲莊肅斯堪中音律陳隋浸淫溫
李家濫觴流蕩開繁華宮詞閨怨轉相失大義誰
識思無邪縱使經存三百什鄭衛幾湮古王澤聖
防其變賢守常端宜二南佩巾幗洪惟懿淑太夫
人別裁僞體歸天真論世片言重九鼎挽瀾一筆
迴千鈞遂令登集諸婦女鳳想鴛思範規矩錫名
正始道斯尊可參教化維風土自聞外子仰慈雲
行盃奉歸珍秘文編帙富藏鴻寶錄平章允服宣

文君敢私獨好忘同好難書千本千人告亟教劄
刷再刊行郵寄方求領宗要劇聞哀赴傷如何真
仙復位冊緋羅此生無緣見金母甘泉畫像徒摩
挲惟應手盥薔薇露讀詩願寫黃金鑄黃金鑄就
千秋身頂禮堂前永朝暮

歸安楊清材 琴珊

辱荷憐才屢餽貽媿星忽殞不勝悲徽音海內爭
欽仰風雅閨中仗主持舊夢莫尋紅島路奇緣曾
拜絳帷師定知騎鶴應含笑有子封疆擁節麾

湘潭郭潤玉 笙愉

八州兼督由來遠一代儒宗湛母賢正始已探風
化本小詩何幸大家編妙蓮忽召歸蓬島香火無
緣拜蕊仙重向蘭闈披寶錄執經宛立絳紗前

會稽宗 梅壽薌

慈孝生平善教忠母賢子肖古難同闈中經濟無
遺策林下高明有道風每惜人才空冀北肯令兒
輩避江東允宜俎豆陪顏仇豈羨尋常福祿崇
心田萬頃藝蓮花不待回尋玉女家靈性有源如

雪月春暉匝地自烟霞記憑彤史良無愧修到金

仙正未涯胡不少留鸞鶴馭從教滄海盡桑麻

海濱清節祖風存 遜庵先生從監國海上後歸隱 昔日同稱大隱

門 梅始祖亦同出處 難得闡幽從季女竟能繼志勝諸孫

淵源獨證醇儒業騷雅長悲義士魂千古惠班真

伯仲卑卑黃絹不須論

尊行清徽景慕深慈雲遠繫十年心 梅於太夫人為年家孫

當時未侍名山席曠世空追正始音慚識之無傳

紫硯妄希趨步入瑤林十株庭下新桐碧願向孫

枝問古琴

謂令女孫

會稽宗 桂 秋丹

越風舊艷邗徐選斷玉殘璣希世見雲英偉略詩
 少傳此後誰聞闢壇坫吾鄉馨烈豈今無風雅端
 須大力扶自得憚君開正始盡教溪女進于喁藁
 砧舊作東甌守佐化早傳琴瑟友當年壺內已憐
 才異代閩中同仰首迨奉安輿方岳游聲謠徧采
 到諸州哀成風月三千富刪賸精華百一收風月
 精華羅衆妙經綸事業垂庭誥直以身爲任道儒

非徒世托知音調如此天人合曼年何妨人海久
 乘蓮不圖功行初圓滿名返紅霞海上山十洲三
 島神安覩夢裏期尋護書處茫茫彼岸渡人難欲
 往從之香界去憐儂苦海一漚輕悲嘯窮鄉盡變
 聲 桂自慘遭先夫子喪歸居肥鄉無復幼時韻事 香辨長薰拜遺集 家兄滌樓
自京師以蓉湖草堂著錄諸刻見示且徵及拙句 如瞻真面晤三生

題行述後用 太夫人憶江南韻

大興胡相端 智珠

樂莫樂兮新相知何況斯文脈似絲梨棗五年不

脛走今朝方是感知時

正始集刻于已丑於今五載

王孫不管草萋萋極日春心綠滿隄不謂妙蓮持

玉尺應時采到候蟲啼

共云小律尙妍纖用意須知獨忌尖轉筆卻宜微

婉處味餘神似水中鹽

隨侍吳江折柳枝新歌自咏槿花籬初聞蓋代閨

房秀未得親商有道師

先舅侍御公主講吳門時泰安公分符蘇州始聞

太夫人之名

白雲古渡北江頭盡遣花魂佐玉舟賴有風流在

閨閣素秋光共墨雲浮

翰墨全憑自得賒不觀竹外一枝斜評詩若到紅

香館恰比低腰笑插花

多應倦臥紫霞昏秘籍攜來一爪痕只我緣慳遲

數月不同畫法受清門

相端作畫受憚清於之法守之數十年惟恨不及親

炙太夫人使詩畫俱出憚門也

年來東海幾揚塵換得紅香碧浪新青鳥不來仙

蝶至瓊樓飛報吉祥人

侍郎與太常仙蝶有緣癸巳冬曾來南河節署故云

題言行略用紅香館中贈虛白夫人韻

青浦許淑慧 定生

督河

恩命到章華共擬東征續大家豈意島中求燁瑄

遽令天半想朱霞起居八座陳情表

侍郎在荊州 差次間 太

夫人違和奏 請赴豫省視

示現三生妙法花可識袁江僑女士

臨風清涕灑天涯

集名正始盛同文從識蘭閨故可羣級佩贈言徵

舊雨

集中收前後 投贈之作殆盡

菟羅遺句護慈雲

家慈抱月樓詩蒙選

入集中第 十四卷

溫柔敦厚詩心普濃浸沉酣法乳醺只

恨弱材生也晚蕪詞不得被牙芬

善畫從來說有神出藍變本倍相親必窺繡閣煤

前稿詎解蓉湖筆底春

世俗謂閨閣畫皆依稿鈎摹淑慧作畫兼宋明人樓

臺花非則工寫互用人物則鈎描竝施見者疑其 偽托今知 太夫人生平作繪皆隨意賦形所遺

如百花卷及紅鳥護書金魚紫綬春夜宴桃 李園諸圖為閨人揭畫旌者實道我先路也家學

舊聞草衣客副笄今見謫仙人名香一瓣殷勤奉

願寫摩尼身後身

淑慧寫女照常得形似自恨 不及為 太夫人傳神也

寶錄真堪號集成闡揚坤教永垂名忍令玉版離

纖手常使金煤落短檠自愧舐毫同負米

淑慧年 十七歸

正始續集 輓詞
蘭溪鄭氏三年而孀以無子女
大歸橐筆以奉父母十餘年矣
漫將食苦護家聲
先祖穆堂公官侍御屢拘權
貴忤時相乞病歸教授鄉里
會聞曠世心相感敬
寫新詩寄玉京

惲太夫人輓詞即題正始續集後

吳縣金 婉 玉卿

泃水方怡愛日嬾星忽暗慈雲一夕瑤池鶴馭干

秋繡閣鴻文

薇省圖垂母教蘭閨錄示女箴書護蓮花香島經

刊貝葉珠林

鐵網收惟擷秀金鍼度更闡幽畫苑共承師法詩

壇還裕孫謀

今日班姬續史當年韋母傳經名著青山盛業德

流彤管芳馨

祖慈寄示惲太夫人正始集敬賦一律以志

哀慕 潘 芙 蓮棠

久企坤儀大母行蘭闈無分拜萱堂仙蹤已返諸

天遠懿訓遙聞薄海揚公子仁心思定趾吉人遺

化起閨房自慚略識丹青筆願寫真容禮瓣香

正始續集輓詩卷之十三
 太夫人五歲喪父幼而失怙
 天賦聰明多夙成長於詩書
 六金申謝大德行蘭閣無令
 德及於人惟其德也
 願慈容永鞠太夫人五歲喪父幼而失怙
 天賦聰明多夙成長於詩書
 六金申謝大德行蘭閣無令
 德及於人惟其德也

跋

右

珍浦暉太夫人續選

國朝閨秀正始集十一卷合其生前所刻初集為
 三十三卷又補遺一卷末附輓詩一卷惟時

太夫人驂鸞逝影已越三年織鳳留機獨遺千古

紹述者賴編書之賢婦校錄者多侍笈之詩孫而

吾丈 見亭先生念手澤是存為神明攸寄每展

論評而追慕輒先涕泗而不禁會譔德之文既修

丁女集 卷之四
于青簡致哀之禮遂終於墨衰乃名剖工敬授賡
帙以家兄稷辰曾於兩集與徵采之役而梅也於
贈言列感頌之篇辱命贊其一辭榮實同於十賚
敢謝不敏願陳所懷竊惟三百雅材尙閨闈爲首
選九州陰教資輜乘以遐宣自葛山蘋澗之間至
漢浦汝防之際第衣蓬首各寫其幽思馬舄鼠璫
競縈其芳緒貞如泛栢固卓絕于人倫義念甘荼
亦隱關於風化卽彼明月芙蓉之比似相憐大半
愆期綠波芍藥之流連任誕皆由廢禮是誠節取

可以無類而導源不出無邪者也顧聖人之淑世
常用勸而兼懲若君子之設科貴從長而略短仰
窺

太夫人發凡廣大與進寬容重令姬妹子之儔結
風雲爲一氣惜孽海情天之輩許澡雪以同歸尋
章遠及于邊荒摘豔并包于方外率女行皆修士
行使名媛不愧邦媛合觀前後之鴻裁俱折衷于
大道信作古今之偉業宜永壽于名山矣梅也夙
趨咏雪之庭叨陪洛誦久企吟風之地喜引謨觴

朱鳥牕中瓊瑤環響斑龍隊裏瓊寶羅陳望瀛島
而拜騷壇一代之英華誰託薄玉臺而刪綺語六
朝之體格胥捐開此縉繩沃子丹府無知蒙稚豈
能附驥以垂名有志研摩庶效吹鱗以殿曲而已
道光十六年丙申如月年家再姪女宗梅謹跋

